

四庫全書

經部

欽定四庫全書

左傳杜林合注卷七

明 王道焜

趙如源 同編

莊公三

經

戊戌

二十有三年春公至自齊

無傳

○祭叔來聘

杜無傳穀梁以

祭叔為祭公來聘魯天子內臣不得外交故不言使不與其得使聘。祭側界反。

○夏公如齊

觀社

齊因祭社蒐軍實故公往觀之

公至自齊

無傳

○荆人來聘

杜無傳不書荆

子使某來聘君臣同辭者蓋楚之始通未成其禮

○公及齊侯遇于穀

無傳穀音谷

○蕭叔朝公

杜無傳蕭附庸國叔名就穀朝公故不言來凡在外朝則禮不得具嘉禮不野合。

此借朝於方歛之禮

○秋丹桓宮楹

桓公廟也楹柱也。楹音盈

○冬十有一

月曹伯射姑卒

杜無傳未同盟而赴以名林曹莊公卒于僖公夷立。射示亦反又音亦

十有二月甲寅公會齊侯盟于扈

杜無傳扈鄭地在蒙陽卷縣西北。扈音

戶

傳二十三年夏公如齊觀社非禮也曹歲諫曰不可夫

禮所以整民也故會以訓上下之則制財用之節朝以

正班爵之義帥長幼之序征伐以討其不然諸侯有王

王有巡守以大習之非是君不舉矣君舉必書書而不

法後嗣何觀

林觀蒐軍實非交鄰國之禮也先王辨上下定民志所以整齊萬民也故制為會同

之禮以教訓諸侯上下尊卑之法制貢賦多少之節度制為朝覲之禮以王五等班爵後先之宜其班爵同者則以年齒長幼為次序不然不用命也謂不朝不會則以征伐討之諸侯朝於天子曰述職有王事也天子適於諸侯曰巡守省方也以大習會朝之禮如奔覲羣后禹會塗山之類非是會朝之事國君不輕舉動矣人君舉動史官必書於策書之史策而不合先王之法後嗣子孫何所觀瞻以為貽謀燕翼之道。長丁丈反

○晉桓莊之族偪

桓叔莊伯之子孫強盛偪迫公室。偪彼力反

獻公患之士

薦曰去富子則羣公子可謀也已

杜士薦晉大夫富子二族之富強者林去

富子伐其本根之法也。本根既去，則枝葉隨之也。○為于委反，去起呂反。下同。公曰：「爾試其事。」

林爾試用去。

富子之策。士為與羣公子謀，譖富子而去之。杜以罪狀誣之。

同族惡其富強，故士為得因而間之，用其所親為譖。則似信離其骨肉，則黨弱羣公子，終所以見滅。○秋

### 丹桓公之楹

經 辛 二十有四年春，王三月，刻桓宮楹。刻鏤也。楹，椽也。將逆夫人，故為

盛飾。○刻音克，楹音角。字林云：齊魯謂椽為楹。葬曹莊公。無傳。夏，公如齊，逆

女。無傳。親逆禮也。○秋，公至自齊。無傳。八月，丁丑，夫人姜氏入。

杜哀姜也。公羊傳以為姜氏要公不與公俱入，蓋以孟任故。丁丑入而明日乃朝廟。戊寅，大夫宗

婦覲用幣

杜宗婦同姓大夫之婦禮小君至大夫執贄以見明臣子之道莊公欲奢夸夫人故使大

夫宗婦同贄俱見。覲徒歷反。

○大水

無傳

○冬戎侵曹

無傳

○曹羈出奔

陳

無傳羈蓋曹世子也先君既葬而不能自定曹人以名赴

○赤歸于曹

無傳

赤曹僖公也蓋為

○郭公

無傳蓋經闕誤也自曹羈以下公羊穀梁之說既不了又

戎所納故曰歸不可通之於左氏故不採用

傳二十四年春刻其桷皆非禮也

杜并非丹楹故言皆

御孫諫曰

臣聞之儉德之共也侈惡之大也

杜御孫魯大夫林司馬公訓儉文引此言

儉者上下共行之德而後漢翟輔恭。御魚呂反本亦作禦侈昌紙反

疏亦引此作先君有

共德而君納諸大惡無乃不可乎

杜以不丹楹刻柄為共

○秋哀

姜至公使宗婦覲用幣非禮也

杜傳不言大夫惟舉非常

御孫曰男

贄大者玉帛

公侯伯子男執玉諸侯世子附庸孤卿執帛。贄真至反

小者禽鳥

卿執

羔大夫執鴈士執雉

以章物也

杜章所執之物別貴賤林羔取其羣而不失其類鴈取其侯而行雉

取其守介而死不失其節

女贄不過榛栗棗脩以告虔也

杜榛小栗脩脯虔敬

也皆取其名以示敬林栗取其戰栗也棗取其早起也脩取其自脩也惟榛無說蓋以榛聲近虔取其虔於事

也。榛側巾反餼脯加薑桂曰修虔音乾

今男女同贄是無別也男女之別

國之大節也而由夫人亂之無乃不可乎

林家齊而後國治所以為

國之大節今乃由觀夫人而亂男女之別言其甚不可也 ○晉士為又與羣公子謀

使殺游氏之二子

杜游氏二子亦桓莊之族

士薦告晉侯曰可矣不

過二年君必無患

林自去年受命獻公曰爾試其事至是乃復命言富子既去游氏之二子

又死桓莊之族漸微君必無害矣

經

子壬

二十有五年春陳侯使女叔來聘

杜女叔陳卿女氏叔字。女音

○夏五月癸丑衛侯朔卒

杜無傳惠公也書名十六年與內大夫盟于幽林惠

公卒子懿公赤立

○六月辛未朔日有食之鼓用牲于社

杜鼓伐鼓

也用牲以祭社傳例曰非常也

○伯姬歸于杞

杜無傳不書逆女逆者微

○秋水



鼓用牲于社于門

杜門國門也傳例曰亦非常也

○冬公子友如陳

杜無

傳報女叔之聘諸魯出朝聘皆書如不果彼國必成其禮故不稱朝聘春秋之常也公子友莊公之母弟稱公子者史策之通言母弟至親異於他臣其相殺害則稱弟以示義至於嘉好之事兄弟篤睦非例所興或稱弟或稱公子仍舊史之文也母弟例在宣十七年林氏內大夫出聘之始

傳二十五年春陳女叔來聘始結陳好也嘉之故不名

杜季友相魯原仲相陳二人有舊故女叔來聘季友冬亦報聘嘉好接脩卿以字為嘉則稱名其常也

夏六月辛未朔日有食之鼓用牲于社非常也

非常鼓之月長

歷推之辛未實七月朔置閏失所致致月錯

唯正月之朔慝未作

杜正月夏之四月周

之六月謂正陽之月今書六月而傳云唯者明此月非正陽月也。愚陰氣林正陽之月建巳六陽用事故陰氣未作。正音政建巳之月。應他得反。日有食之於是乎用幣于社伐鼓于

朝

杜曰食歷之常也然食於正陽之月則諸侯用幣于社請救於上公伐鼓於朝退而自責以明陰不宜侵

陽臣不宜掩君以示大義

○秋大水鼓用牲于社于門亦非常也

失常

禮

凡天災有幣無牲

杜天災日月食大水也祈請而已不用牲也

非日月之

青不鼓

杜青猶災也月侵日為青陰陽逆順之事賢聖所重故特鼓之。青所景反

○晉士

為使羣公子盡殺游氏之族乃城聚而處之

林聚晉邑乃城聚邑

而處羣公子外示優寵。聚才喻反

冬晉侯圍聚盡殺羣公子

杜卒如士為之計

經

丑癸

二十有六年春公伐戎

傳無

○夏公至自伐戎

傳無

○

曹殺其大夫

杜無傳不稱名非其罪例在文七年

○秋公會宋人齊人伐

徐

無傳宋序齊上主兵

○冬十有二月癸亥朔日有食之

傳無

傳二十六年春晉士蕞為大司空

杜大司空卿官林賞去桓莊之功

夏

士蕞城絳以深其宮

杜絳晉所都也今平陽絳邑縣林以深公宮備豫也史記是年晉始

都絳 ○秋虢人侵晉冬虢人又侵晉

杜為傳明年晉將伐虢張本此年經傳各

自言其事者或經是直文或策書雖存而簡牘散落不究其本末故傳不復申解但言傳事而已

經

寅甲

二十有七年春公會杞伯姬于洮

伯姬莊公女洮魯地。洮他刀

反

○夏六月公會齊侯宋公陳侯鄭伯同盟于幽

林衣棠之

會五齊初主盟於是書公矣

○秋公子友如陳葬原仲

杜原仲陳大夫原氏仲字

也禮臣既卒不名故稱字季友違禮會外大夫葬具見其事亦所以知禮

○冬杞伯姬來

傳例

曰歸寧

○莒慶來逆叔姬

杜無傳慶莒大夫叔姬莊公女卿自為逆則稱字例在宣五年

○杞伯來朝

無傳杞稱伯者蓋為時王所黜

○公會齊侯于城濮

無傳城濮

衛地將討衛也。濮音卜

傳二十七年春公會杞伯姬于洮非事也

非諸侯之事也

天子

非展義不巡守

杜天子巡守所以宣布德義

諸侯非民事不舉卿非

君命不越竟

林諸侯非經理民事則不輕舉動諸侯之卿大夫非將其君之命則不越出其國之

境土。

○夏同盟于幽陳鄭服也

杜二十二年陳亂而齊納敬仲二十五年

竟音境

鄭文公之四年獲成于楚皆有二心於齊今始服也

○秋公子友如陳葬原仲非

禮也

林非大夫不越竟之禮也

原仲季友之舊也○冬杞伯姬來歸

寧也

杜寧問父母安否

凡諸侯之女歸寧曰來出曰來歸

林言凡春

秋書諸侯之女出入之法歸而寧問父母則書之曰夫來為人所出而歸其國則書曰來歸言不反其國也

人歸寧曰如某出曰歸于某

林此言書夫人出入之法歸寧其父母則書曰如某

為吾國所出而歸其國則曰歸于某

○晉侯將伐虢士蒍曰不可虢公驕

若驟得勝於我必弃其民無衆而後伐之欲禦我誰與

夫禮樂慈愛戰所畜也夫民讓事樂和愛親哀喪而後

可用也

林言號公為人驕矜時號屢伐晉而晉不能報是驟得勝於我必易晉而不撫養其民人棄民

則失其心是無衆也然後從而伐之號公雖欲禦我晉師誰與之效死哉孟子曰城非不高池非不深兵甲非

不堅利未粟非不多委而去之是誰與之守也禮以導中樂以導和父慈子孝兄愛弟恭人君以此四者教民

涵養有素然後以我之中和慈愛討彼之不中不和不慈不愛名正言順戰無不克杜上之使民以義讓哀樂

為本言不可力強。畜勅六反下同樂音洛

號弗畜也亟戰將饑

杜號弗畜此禮樂慈

愛之道而以數戰為事則妨奪農時將有饑饉之患此謂兵戈之後必有凶年是也。亟欺冀反饑居疑反又

音機

○王使召伯廖賜齊侯命

杜名伯廖王卿士賜命為侯伯。名音邵廖力彫反

且請伐衛以其立子頹也

林衛立子頹在十九年後惠王復辟未會正衛人立子頹

罪之

經

乙卯

二十有八年春王三月甲寅齊人伐衛衛人及齊

人戰衛人敗績

齊侯稱人者諱取賂而還以賤者告不地者史失之

○夏四月丁

未邾子瑱卒

杜無傳未同盟而赴以名林文公遂蔭立。瑱素果反

○秋荊伐鄭

公會齊人宋人救鄭

林會諸侯救始此

○冬築郿

杜郿魯下邑傳例曰邑曰

築。郿。○大無麥禾

書於冬者五穀畢入計食不足而後書也

臧孫辰告糴

七悲反

于齊

杜臧孫辰魯大夫臧文仲。糴徒歷反。

傳二十八年春齊侯伐衛戰敗衛師數之以王命取賂

而還

林言不能正衛之罪

○晉獻公娶于賈無子

杜賈姬姓國也

烝於齊

姜

杜齊姜武公妻烝之承反

生秦穆夫人及大子申生又娶二女

於戎大戎狐姬生重耳

杜大戎唐叔子豫別在戎狄者林姬姓以狐為氏是為狐姬狐

偃其兄弟也。重直龍反

小戎子生夷吾

杜小戎允姓之戎子女也

晉伐驪戎驪

戎男女以驪姬

杜驪戎在京兆新豐縣其君姬姓其爵男也納女于人曰女林獻公五年伐驪戎是為莊

公二十三年蓋驪戎受伐而納其女於

歸驪姬歸晉

獻公以求成也。驪力知反女昵據反

左傳杜林合注

八



生奚齊其娣生卓子驪姬嬖欲立其子賂外嬖梁五與

東關嬖五

杜姓梁名五在閭闔之外者東關嬖五別在關塞者亦名五皆大夫為獻公所嬖幸視聽

外事。卓勅角反

使言於公曰曲沃君之宗也

杜曲沃桓叔所封先君宗廟所

在

蒲與二屈君之疆也

杜蒲今平陽蒲子縣二屈今平陽北屈縣或云二當為北林晉

國疆場之邑。屈求勿反又居勿反疆居良反

不可以無主宗邑無主則民不

威疆場無主則啓戎心戎之生心民慢其政國之患也

林戎生心則窺伺於外民不威則慢政於內此二者晉國之大患。場音亦

若使大子主曲

沃而重耳夷吾主蒲與屈則可以威民而懼戎且旌君

伐

杜旌章也  
伐功也

使俱曰

林又使二人合辭而稱美其事

狄之廣莫於晉為

都晉之啓土不亦宜乎

杜廣莫狄地之曠絕也即謂蒲子北屈也言遣二公子出都之

則晉方當大開土界林蓋二人始進使太子居曲沃重耳夷吾居蒲與屈之說獻公未決故復使稱說此美

晉侯說之夏使太子居曲沃重耳居蒲城夷吾居屈羣

公子皆鄙

杜鄙邊邑說音悅

唯二姬之子在絳二五卒與驪姬

譖羣公子而立奚齊

林二五梁五東關五也蓋太子以下皆出居外故譖譖得行。譖責

鳩晉人謂之二五耦

二耦相耦廣一尺共起一伐言二人俱共壑傷晉室若此

○楚

令尹子元欲盡文夫人

杜文王夫人息鳩也子元文為王弟蠱惑以淫事。蠱音古

館於其宮側而振萬焉

杜振動也萬舞也

夫人聞之泣曰先君

以是舞也習戎備也今令尹不尋諸仇讎而於未亡人

之側不亦異乎

杜專用也婦人既寡自稱未亡人林舞者以羽為文以干為武國之祀戎皆習

用之仇讎謂鄭也言子元不用此樂習武備以討鄭而用於我未亡人之側不亦與先君用樂之意異乎御

人以告子元

杜御人夫人之侍人

子元曰婦人不忘襲讎我反忘

之秋子元以車六百乘伐鄭入于桔枳之門

杜桔枳鄭遠郊之門

也林伐鄭欲以說文夫人之心。束繩證反桔戶結反枳侍結反

子元鬪御彊鬪梧耿

之不比為旆

子元自與三子特建旆以居前廣充幅長旆曰旆繼旆曰旆。御魚呂反本亦作禦

彊其良反又居良反梧音  
吾比并里反施蒲具反

闔班王孫游王孫喜殿

杜二子在

後焉反禦。  
殿丁見反

衆車入自純門及遠市

杜純門鄭外郭門也遠市郭內道上

市。純如字  
遠求龜反

縣門不發楚言而出子元曰鄭有人焉

縣門

施於內城門鄭示楚以閒暇故不閉城門出  
兵而效楚言故子元畏之不敢進。縣音玄

諸侯救鄭

楚師夜遁鄭人將奔桐丘

杜許昌縣東北有桐丘城林鄭亦畏楚將奔于桐丘之地

。遁徒  
困反

諜告曰楚幕有烏乃止

杜諜間也幕帳也林大將所居以幕帳蔽禦風

兩軍衆屯聚烏不敢止今楚幕有烏  
知楚師已遁也。諜音牒幕音莫

○冬饑臧孫辰告

糴于齊禮也

杜經書大無麥禾傳言饑傳又先書饑在築鄆上者說始糴經書在下須得糴嫌或

譚饑故曰禮

○築郿非都也凡邑有宗廟先君之主曰都無

曰邑邑曰築都曰城

杜周禮四縣為都四井為邑然宗廟所在則雖邑曰都尊之也言凡

邑則他

築非例

經

丙辰

二十有九年春新延廡

傳例曰書不時言新者皆舊物不可用更造之辭

廡居又反

○夏鄭人侵許

杜傳例曰無鍾鼓曰侵

○秋有蜚

杜傳例曰為災○蜚

扶味反

○冬十有二月紀叔姬卒

無傳紀國雖滅叔姬執節守義故繫之紀賢而

錄之

○城諸及防

杜諸防皆魯邑傳例曰書時也諸非備難而興作傳皆重云特以釋之他皆放

此諸今城

陽諸縣

傳二十九年春新作延廡書不時也

杜經無作字蓋闕

凡馬日

中而出日中而入

杜日中春秋分也治廡當以秋分因馬向入而修之今以春作故曰不時

林春分百草始繁則牧于垆野故日中而出秋分農功始藏水寒草枯則馬還廡故日中而入○向本或作駕

許亮反

○夏鄭人侵許凡師有鐘鼓曰伐

杜聲其罪

無曰侵

杜鐘

鼓無聲

輕曰襲

杜掩其不備林言襲者如風寒之襲人不知其至○輕遣政反

○秋有蜚

為災也凡物不為災不書○冬十二月城諸及防書時

也凡土功龍見而畢務戒事也

杜謂今九月周十一月龍星角亢晨見東方三

務始畢戒民以土功事○見賢通反下同

火見而致用

杜大火心星次角亢見者致築作之物

水昏正而栽

杜謂今十月定星昏而中於是樹板幹而興作。栽才代反一音再說文云築牆長

板

日至而畢

日南至微陽始動故土功息

樊皮叛王

杜樊皮周大夫樊其采地

名皮

經

丁巳

三十年春王正月○夏次于成

杜無傳將卑師少故直言次齊將降

鄭故設備

○秋七月齊人降鄭

杜無傳鄭紀附庸國東平無鹽縣東北有鄭城小國孤危

不能自固蓋齊遠以兵威脅使降附

○八月癸亥葬紀叔姬

無傳以賢錄也無臣子故

不作諡

○九月庚午朔日有食之鼓用牲于社

無傳

○冬公

及齊侯遇于魯濟

濟水歷齊魯界在齊界為齊濟在魯界為魯濟蓋魯地。濟子禮反

齊人伐山戎

杜山戎北狄

傳三十年春王命虢公討樊皮夏四月丙辰虢公入樊

執樊仲皮

林即樊皮

歸于京師

林歸于周也天子所居故曰京師

○楚公子

元歸自伐鄭而處王宮

欲遂盡文夫人

鬪射師諫則執而梏之

射師鬪廉也足曰桎手曰梏射食亦反又食夜反梏古毒反

○秋申公鬪班殺子元

申楚縣也楚僭號縣尹皆稱公

鬪穀於菟為令尹自毀其家以紓楚國

之難

杜鬪穀於菟令尹子文也毀滅紓緩也林楚國之難由家強而國弱故子文自毀其家以緩楚國之

患難。穀叔走反楚人謂乳曰穀漢書作穀音同於音烏菟音徒紓音舒又直汝反難乃旦反

○冬遇



于魯濟謀山戎也以其病燕故也

杜齊桓行霸故欲為燕謀難燕國今薊縣

經

戊午

三十有一年春築臺于郎

無傳刺奢且非土功之時

○夏四月

薛伯卒

無傳未同盟

○築臺于薛

無傳薛魯地

○六月齊侯來獻

戎捷

杜傳例曰諸侯不相遣俘捷獲也獻奉上之辭齊侯以獻捷禮來故書以示遇。捷在妾反

秋築臺于秦

杜無傳東平范縣西北有秦亭林魯地

○冬不雨

杜無傳不書旱不為

災例在  
傳三年

傳三十一年夏六月齊侯來獻戎捷非禮也凡諸侯有

四夷之功則獻于王王以警于夷

杜以警懼夷伏。警音景

中國則

否

林若伐中國諸侯有功則不獻其捷於王崇恩愛示不忍也

諸侯不相遺俘

杜預夷狄

俘猶不以相遺林俘囚警也。遺唯季反

經

己未

三十有二年春城小穀

林小穀齊邑濟北穀城縣城中有管仲并大都國名

通者則不繫國林齊管仲私邑

○夏宋公齊侯遇于梁丘

杜齊善宋之請見故進其

班梁丘在昌平昌邑縣西南

○秋七月癸巳公子牙卒

杜牙慶父同母弟傷叔也

飲醕而死不以罪告故得書卒書日者公

○八月癸亥

公薨于路寢

路寢正寢也公薨皆書其所詳凶變

○冬十月己未子般卒

子般莊公太子先君未葬故不稱爵不書殺諱之也。般音班

○公子慶父如齊

無傳慶父

左傳杜林合注

左傳杜林合注

主

既弑子般季友出奔國人不與故懼而適

○狄伐邢

杜無

齊欲以求援時無君假赴告之禮而行

傳三十二年春城小穀為管仲也

公感齊桓之德故為管仲城私邑。為于

偽反下同

○齊侯為楚伐鄭之故請會于諸侯

杜楚伐鄭在二十八年謀

為鄭報楚

宋公請先見于齊侯夏遇于梁丘

林宋公志輔齊霸請先與齊侯

相見齊桓公從宋之請故簡禮遇于梁丘。見賢通反又如字

○秋七月有神降于莘

杜有神降以接人莘

惠王問諸內史過曰是何故也

內史

過周大夫林言神何

對曰國之將興明神降之監其德

故而降。過古禾反

也

林監察其君德之厚薄  
○監本亦作鑑古暫反

將亡神又降之視其惡也

林觀

視其積惡  
之深淺

故有得神以興亦有以亡虞夏商周皆有之

杜亦有  
神異

王曰若之何

林將何道  
以處之

對曰以其物享焉其至

之日亦其物也

杜享祭也若以甲乙日至癸先  
脾玉用蒼服上青以此類祭之

王從之

內史過往

林使內史過往  
以其物享神

聞號請命

杜聞號請於神  
求賜土田之命

反

曰號必亡矣虐而聽於神

林夫民神之主也號公虐民  
而聽命於神此以知其必亡

神居莘六月號公使祝應宗區史囂享焉神賜之土田

杜祝大祝宗宗人史大史應區  
囂皆名。區丘于反囂五巾反

史囂曰號其亡乎吾聞

之國將興聽於民

杜政順民心

將亡聽於神

杜求福於神

神聰明

正直而壹者也

林聰則無所不聞明則無所不見正則自正於已直則能正於人而一者專一

於聰明正直無有二心者也

依人而行

杜唯德是與林善則降之福惡則降之禍神無私其禍福

故依人善惡而行

號多涼德其何土之能得

林言賜之土田皆以禍之也杜涼薄

也為僖二年晉滅下陽傳。涼音良

○初公築臺臨黨氏

杜黨氏魯大夫築臺不書不告

廟。黨音掌

見孟任從之閔

杜孟任黨氏女閔不從公。閔音秘

而以夫人言

許之

杜許以割臂盟公為夫人

林孟任割臂血以與莊公盟

生子般焉雩講

于梁氏女公子觀之

杜雩祭天也講肆也梁氏魯大夫女公子子般妹

圉人瑱

自牆外與之戲

國人掌養馬者以慢言戲之。華音洛又力角反。

子般怒使鞭

之公曰不如殺之是不可鞭犖有力焉能投蓋于稷門

杜蓋覆也。稷門魯南城門走而自投接其屋之桷反覆門上林言其有勇力之甚。

公疾問後於

叔牙對曰慶父材

杜蓋欲進其同母兄

問於季友對曰臣以死奉

般

杜季友莊公母弟故欲立般

公曰鄉者牙曰慶父材成季使以君

命命僖叔侍于鍼巫氏

杜成季季友也鍼巫氏魯大夫林成季聞叔牙欲立慶父乃矯

君命使人命叔牙侍命于魯大夫鍼巫氏。卿許亮反鍼其廉反。

使鍼季酖之

杜酖鳥名其羽

有毒以盡酒飲之則死

曰飲此則有後於魯國不然死且無後飲

之歸及達泉而卒立叔孫氏

杜達泉魯地不以罪誅故得立後世其祿

○八

月癸亥公薨于路寢子般即位次于黨氏

杜即喪位次舍也

冬十月己未共仲使圉人犂賊子般于黨氏

杜共仲慶父。共音

恭成季奔陳

杜出奔不書國亂史失之

立閔公

杜閔公莊公庶子於是年八歲。閔亡謹

反

左傳杜林合注卷七

欽定四庫全書

左傳杜林合注卷八

明 王道焜

趙如源 同編

閔公

公名啟方莊公之子史記云  
名開謚法在國遭難曰閔

周

惠王十  
六年

鄭

文公十  
二年

齊

桓公二十五年  
管仲為政

宋

桓公二  
十一年



晉

獻公十六年  
是年晉作二軍

衛

懿公八年 魯閔公二年狄滅衛宋桓公立衛  
戴公以廬于曹戴公名申立其年卒而立文公

蔡

穆公十四年

曹

昭公元年

滕

詳見隱公元年

陳

宣公三十二年

杞

詳見隱公元年  
及僖公元年

薛

魯莊公三十一年薛伯卒

莒

詳見隱公元年

邾

文公五年

許

穆公三十七年

小邾

見莊公元年

楚

成王十一年  
令尹子文為政

秦

詳見隱公元年

吳

詳見隱公元年

越

詳見隱公元年

經庚申元年春王正月。齊人救邢。夏六月辛酉葬我君莊公。秋

八月公及齊侯盟于落姑。

落姑齊地

季子來歸。

杜季子公子友之字季子忠于社稷為國人所思故

賢而字之齊侯許納故曰歸林是為季。

○冬齊仲孫來。

杜仲孫齊大夫以事

出疆因來省難非齊侯命故不稱使也。還使齊侯務寧魯難故嘉而字之。來者事實省難其志也。故經但書仲孫之來而傳尋仲孫之志。

傳元年春不書即位亂故也。

杜國亂不得成禮

○狄人伐邢。

狄伐

邢在往年冬

管敬仲言于齊侯曰：我狄豺狼不可厭也。

杜敬仲管

夷吾林言狄既逞志于邢又將荐食諸侯。豺仕皆反狼音郎厭一鹽反。

諸夏親暱不可弃。

也。

杜諸夏中國也暱近也。夏戶雅反暱反乙反。

宴安酖毒不可懷也。

杜以宴安比之

酖毒。宴於見反。本又作晏。音同。一音烏諫反。酖直蔭反。詩云：豈不懷歸？畏此簡書。

杜詩：小雅也。文王為西伯勞來，諸侯之詩。林言將帥出征，豈不懷歸？冢之念，所以不敢懷歸者，畏此簡策之所

書

簡書同惡相恤之謂也

杜同恤，所惡林蓋戎狄亂華，人所同惡。簡書所載，不過分

災救患爾

請救邢以從簡書。齊人救邢。○夏六月，葬莊公。亂

故是以緩

十一月乃葬

○秋八月，公及齊侯盟于落姑，請復

季友也

林閔公初立，國家多難，以季子忠賢，故請霸主而復之。

齊侯許之，使召諸

陳公次于郎以待之

杜非師旅之事，故不書次。

季子來歸，嘉之也。○

冬，齊仲孫湫來省難

湫，仲孫名。○湫子小反。

書曰：仲孫亦嘉之也。

仲孫歸曰不去慶父魯難未已

杜時慶父亦還魯  
○去起呂反下同

公曰

若之何而去之對曰難不已將自斃

杜斃踣也  
斃婢世反

君其

待之公曰魯可取乎對曰不可猶秉周禮周禮所以本

也臣聞之國將亡本必先顛而後枝葉從之魯不棄周

禮未可動也君其務寧魯難而親之親有禮因重固

林國

之有禮如木之有根本根本必先顛仆而後枝葉從而  
彫枯言禮亡則國亡今魯不棄周公之典禮則其根本

尚固言其未可動搖也魯秉周禮而親睦之是親  
有禮魯國根本安重堅固固而成就之是因重固

間攜

貳

杜離而相疑者則當因  
而間之○間問間之問

覆昏亂

杜覆敗也林昏達而  
暴亂者乃可覆而取

之。覆霸王之器也。杜霸王所用故以器為喻。王于況反。○晉侯作二

軍

杜周制大國三軍次國二軍小國一軍晉本大國自曲沃武公覆滅宗國魯莊公十六年僖王命曲沃伯

以一軍為晉侯遠從小國之制今始作二軍

公將上軍大子申生將下軍趙

夙御戎畢萬為右

杜為公御右也夙趙襄兄畢萬魏禦祖父。將子匝反下同

以滅

耿滅霍滅魏

杜平陽皮氏縣東南有耿鄉永安縣東北有霍大山三國皆姬姓。耿古幸反

還

為大子城曲沃賜趙夙耿賜畢萬魏以為大夫士蔿曰

大子不得立矣分之都城而位以卿先為之極又焉得

立

林先是莊公二十八年使大子居曲沃蓋未修城至是始為之增築卿始有軍行今大子將下軍故曰位

以卿先為大子之極處又安得復立為後蓋天下事未  
極則有增已極則無以復加此必然之理。為于偽反

馬於度反不如逃之無使罪至為吳大伯不亦可乎杜大伯周太王

之適子知其父欲立季歷杜言雖猶有令名與其及也去猶有

故名勝於去猶有且諺曰心苟無瑕何恤乎無家天若祚大子

其無晉乎林言吾心苟無瑕疵之可指則不必以無家

晉殺申生傳。誘杜卜偃晉掌卜偃曰畢萬之後必大杜卜偃晉掌

以下言萬盈數也魏大名也是始賞天啓之矣林自

畢萬事一至十百千萬而滿故萬為數之至滿魏之為名其義至大  
獻公以魏始賞畢萬之功是天開啓畢萬而將昌其子

孫

天子曰兆民諸侯曰萬民今名之大以從盈數其必

有衆

林十萬為兆天子主有天下故曰兆民十千為萬諸侯主有一國故曰萬民以魏封畢萬是以魏從

萬從盈數也此得國得民之象

初畢萬筮仕於晉遇屯三三

杜震下坎上屯。屯

張倫反

之比三三

杜坤下坎上比屯初九變而為比。比毗志反下同

辛廖占之曰

吉

杜辛廖晉大夫廖力彫反

屯固比入吉孰大焉其必蕃昌

屯險難所

以為堅固比親密所以得入。蕃音煩

震為土

杜震變為坤

車從馬

杜震為車坤為馬震

變為坤故車從馬

足居之

林震為足動而遇坤安靜之象故居之

兄長之

林震為長男兄

也初又最長故長之。長下文反

母覆之

杜坤為母

衆歸之

杜坤為衆

六體不易



初一爻變有此六義不可易也

合而能固安而能殺公侯之卦也

林水地比

有合之義水雷屯有固之義以此承屯之變故合而能固比之下卦有坤坤為土安之象屯之下卦有震震為雷殺之象以坤承震之變故安而能殺此合屯固坤安震殺故曰公侯之卦屯之初九曰利建侯比之大象曰建萬國親諸侯

公侯之子孫必復其始

林畢萬畢公高之子孫言其子

孫必復其始為公侯也傳為魏之子孫衆多張本

經 二年春王正月齊人遷陽

杜無傳陽國名蓋齊人偪徙之

○夏五

月乙酉吉禘于莊公

杜三年喪畢致新死者之主於廟廟之遠主當遷入祧因是大祭以

審昭穆謂之禘莊公喪制未闕時別立廟廟成而吉祭又不於大廟故詳書以示譏林禘天子之禮魯之郊禘

惠公請之東周之惜禮也故孔子曰魯之郊禘非禮也又曰吾不欲觀之矣。禘大計反。○秋八月

辛丑公薨

實弑書薨又不地者皆史策諱之

○九月夫人姜氏孫于邾

哀姜外淫故孫稱姜氏。孫音遜

○公子慶父出奔莒

杜弑閔公故莒是為孟氏

冬齊高子來盟

無傳蓋高侯也齊侯使來平魯亂僖公新立因遂結盟故不稱使也魯人責之

故不書名子男子之美稱

○十有二月狄入衛

杜書入不能有其地例在襄十三年

鄭棄其師

杜高克見惡久不得還師潰而克奔陳故克狀其事以告魯也

傳二年春虢公敗犬戎于渭汭

犬戎西戎別在中國者渭水出隴西東入河水

之隈曲曰汭汭如鏡反

舟之僑曰無德而祿殃也殃將至矣遂奔

晉

杜舟之僑號大夫林號公無君人之德而享大祿蓋

音喬驕

○夏吉禘于莊公速也○初公傳奪卜齋田公不

禁

杜卜齋魯大夫也公即位年八歲知愛其傳而遂成其意以奪齋田齋忿其傳并及公故慶父因之○齋

魚綺

反

秋八月辛丑共仲使卜齋賊公于武闈

林宮中小門謂之闈

杜共仲即慶仲賊殺也。共音恭闈音韋一音解

成季以僖公適邾

杜僖公闈公庶兄成

風之子

共仲奔莒乃入立之

林慶父殺般又殺閔公國人與故出奔莒季友乃以僖

公入魯立之為君

以賂求共仲于莒莒人歸之

杜按僖元年莒人來求賂知此

許賂之也

及密使公子魚請

杜密魯地琅邪賁縣北有密如亭公子魚奚斯也林慶父使奚

斯請免其死

不許哭而往共仲曰奚斯之聲也

林公子魚難面言故哭而

往報慶父讎奚斯之聲而解其意

乃縊

杜慶父之罪雖重季子推親親之恩欲同之叔牙存孟氏之族

故略其罪不書

閔公哀姜之娣叔姜之子也故齊人立

之

林叔姜齊女故齊人欲立其所出

共仲通於哀姜哀姜欲立之閔公

之死也哀姜與知之故孫于邾

林哀姜懼討故出奔邾內奔曰孫。與音預孫

音

齊人取而殺之于夷以其尸歸

林蓋齊惡哀姜之淫亂而為魯討也杜為

僖元年齊人殺哀姜傳夷魯地

僖公請而葬之

哀姜之罪已重而僖公請其喪還者外欲固齊

以居厚内存母子不絕之義為國家之大計

○成季之將生也桓公使卜楚

丘之父卜之

杜卜楚丘魯掌卜大夫

曰男也其名曰友在公之右

杜凡入皆以右手用事在公之右當用事相魯

間于兩社為公室輔

杜兩社周社亳社兩

杜之問朝廷執政所在

季氏亡則魯不昌

杜言季氏之後當與魯國相為存亡也

又

筮之遇大有三三

杜乾下離上大有

之乾三三

杜乾下乾上乾大有六五變而

為

曰同復于父敬如君所

杜筮者之辭也乾為君父離變為乾故曰同復於父見敬

與君同

及生有文在其手曰友遂以命之

杜遂以為名

○冬十

二月狄人伐衛

杜狄禍自邢及衛此管仲所謂南夷與北夷交中國不絕如綫也

衛懿

公好鶴鶴有乘軒者

杜軒大夫車。好呼報反鶴戶谷反軒許言反

將戰國人

受甲者皆曰使鶴鶴實有祿位余焉能戰

林凡國人之受甲以禦狄

者合辭皆曰使鶴與狄戰此蓋激辭言鶴乘軒實有大夫之祿與位我平時不得君之寵祿安能與狄戰乎。

焉於公與石祁子玦與甯莊子矢使守

杜莊子甯遠也玦玉玦。玦古

穴反守手又反下告守同曰以此贊國擇利而為之

杜贊助也玦示以當決斷矢示

難以禦與夫人繡衣曰聽於二子

杜取其文章順序

渠孔禦戎子

伯為右黃夷前驅孔嬰齊殿

林前驅先鋒備不虞殿師後殿反禦也傳言衛侯失

民有素雖臨事而戒猶無所及。殿可練反

及狄人戰于癸澤衛師敗績遂

滅衛

杜此癸澤當在河北君死國敗經不書滅者狄不能赴衛之君臣皆盡無復文告齊桓為之告諸侯

言狄已去言衛之存故但

衛侯不去其旗是以甚敗

林師

以入爲文。葵戶爲反。之耳目在旗衛懿公既敗而不去其旗是以甚敗至君臣皆盡也。去起呂反藏也。一云陰也。

狄人囚

史華龍滑與禮孔以逐衛人二人曰我大史也實掌其

祭不先國不可得也

林夷狄畏鬼神故恐之言若不使我先往白神鬼神不佑則衛國不可

得也。華戶

乃先之至則告守曰不可待也

杜守石寗二大夫杜

言狄師盛強不可坐而待滅也

夜與國人出

林二子信其言不敢固守

狄入衛遂從

之又敗諸河

衛將東走渡河狄復逐而敗之

初惠公之即位也少

杜蓋年十

五六。少

齊人使昭伯烝於宣姜不可強之

林昭伯惠公庶兄宣

詩照反

公子頤也林宣姜即宣公所取急子之妻姜齊女  
故齊人使燕之昭伯不可。燕之承反強其丈反生齊

子戴公文公宋桓夫人許穆夫人

林昭伯燕宣姜而生男女五人牆有茨詩

云公子頤通乎君母即其事也

文公為衛之多患也先適齊

林先適齊以避衛難

及敗宋桓公逆諸河

杜迎衛敗衆

宵濟

杜夜渡畏狄

衛之遺民男

女七百有三十人益之以共滕之民為五千人

共及滕衛別邑

音泰

立戴公以廬于曹

杜廬舍也曹衛下邑戴公名申立其年卒而立文公。廬力居

反曹詩作漕音同

許穆夫人賦載馳

杜載馳詩衛風也許穆夫人痛衛之亡思歸唁之不

可故作詩以言志

齊侯使公子無虧帥車三百乘甲士三千人



以戌曹

林無虧齊桓公子武孟也車甲之賦異於常故傳別見之戌曹為衛禦伏也。虧去危反乘繩

證反下同

歸公乘馬祭服五稱牛羊豕鷄狗皆三百與門材

杜歸遺也四馬曰乘林衣單複具曰稱祭服重宗廟也五牲各三百事所以備祭祀軍國之用材木也遺之門

材使先立門戶。稱尺證反狗音苟

歸夫人魚軒

杜魚軒夫人車以魚皮為飾

重錦三

十兩

重錦錦之熟細者以二丈雙行故曰兩三十兩三十五也

○鄭人惡高克使帥

師次于河上久而弗召師潰而歸高克奔陳

杜高克鄭大夫也好

利而不顧其君文公惡之而不能速故使帥師而不召林高克身惡衆散故懼罪而奔陳。惡烏路反

鄭

人為之賦清人

清人詩鄭風也刺文公退臣不以道危國亡師之本。為于偽反

○晉

侯使大子申生伐東山臯落氏

杜赤狄別種也臯落其氏族林畢古力反里

克諫曰大子奉冢祀社稷之粢盛

杜里克晉大夫冢大也林言大子奉國家

之祭祀與社稷之粢盛。粢音咨盛音成以朝夕視君膳者也

杜膳廚膳林君之廚膳則

大子朝夕視之蓋大子有視膳之禮。朝如字又張遠反膳市戰反

故曰冢子君行則守

有守則從從曰撫軍守曰監國古之制也

林號曰冢子言其大異於

諸子也君有朝會征伐行殺之事則代君守國君使大臣守國則大子從君而行從君號曰撫軍言助君鎮撫

士卒守國號曰監國言代君監臨國家。夫帥師專行

謀

杜帥師者必專謀軍事

誓軍旅

杜宣號令也

君與國政之所圖也非

大子之事也

杜國政正卿

師在制命而已

杜命將軍所制

稟命則不

威專命則不孝

林若大子帥師稟君之命而後行事則難不在已而無威重專制命令則失子

之道是為不孝

故君之嗣適不可以帥師君失其官帥師不威將焉用

之

杜大子統師是失其官也專命則不孝是為師必不威也。適丁歷反本又作嫡下配適同焉於虔反

且臣聞

臯落氏將戰君其舍之

林臯落氏將與晉兵接戰里充恐大子軍敗得罪故陳說利害

以說獻公使捨大子勿使將

公曰寡人有子未知其誰立焉

林蓋微示里克

以欲廢申生之意

不對而退見大子大子曰吾其廢乎對曰告

之以臨民

杜謂居曲沃

教之以軍旅

杜謂將下軍將子匝反

不共是懼

何故廢乎且子懼不孝無懼弗得立修已而不責人則

免於難

林言大子當以任大責重不共其職為懼何故以廢立為懼乎修飭其身而不怨尤於人如此

則順時委命可免于禍患矣。共

太子帥師公衣之偏

衣

偏衣左右異色其半似公服。衣于既反下衣身之偏衣之純衣之麗服同

佩之金玦

林

如環而不連以金為之為偏衣之佩飾

狐突御戎先友為右

杜狐突伯行重耳外祖父

也為申生御申生以大手將上軍

梁餘子養御罕夷先丹木為右

杜罕夷晉

下軍卿也梁餘子養為罕夷御

羊舌大夫為尉

杜羊舌大夫叔向祖父也尉軍尉

先友

曰衣身之偏

杜偏半也

握兵之要

謂佩金玦將上軍

在此行也

林兼是二

美在此

一行 子其勉之偏躬無慝

分身衣之半非惡意也。慝他得反。

兵要遠

災

杜威權在已可以遠害。遠于萬反下同。

親以無災

林有偏衣之親而無災害。

又何患

焉狐突歎曰時事之徵也

杜數以先友為不知君心林在天為時事之徵應可以知

始終

衣身之章也佩衷之旗也

林在身為衣身之文章可以別貴賤在腰為佩中心

之表旗可以明向背杜旗表也。衷音忠旗音其

故敬其事則命以始

杜賞以春夏林

謂君若敬大子之事當命以四時之始

服其身則衣之純

杜必以純色為服

用其

衷則佩之度

杜衷中也佩玉者士君子常德

今命以時卒閱其事也

杜冬

十二月閱盡之時。閱音必

衣之履服遠其躬也

杜履雜色。履莫江反。

佩以

金玦弃其衷也服以遠之時以閔之老涼冬殺金寒玦

離胡可恃也雖欲勉之狄可盡乎

林衣之老難則有涼薄之意命以窮冬則

有肅殺之意金屬秋方其性剛而寒玦如環而缺離不相連屬皆無溫潤無一可恃雖欲勉之以從戎事東山

之狄可得而盡滅之乎

梁餘子養曰帥師者受命於廟受脤於社

杜脤宜社之肉盛以脤器。脤市軫反

有常服矣不獲而老命可知也

杜肅

弃服軍之常也林不獲肅便之常服而衣老難之偏衣君命亦可知也

死而不孝

林雖死而使父

有殺子之名是為不孝

不如逃之罕夷曰老奇無常

雜色奇怪非常之服

金

玦不復

林剛玦而缺離不復反之象

雖復何為君有心矣

杜有害大子之心

先丹木曰是服也狂夫阻之

杜阻疑也言雖狂夫猶知有疑。阻莊呂反。

曰

盡敵而反

曰公辭。盡子忍反下同。

敵可盡乎雖盡敵猶有內讒不

如違之

杜違去也林猶有驪姬二五在內之讒譖不如去之以免其禍。

狐突欲行

杜行亦去

也

羊舌大夫曰不可違命不孝弃事不忠雖知其寒惡

不可取子其死之

杜寒薄也林雖知君心寒薄然而不孝不忠之惡名不可取。

太子

將戰狐突諫曰不可昔辛伯諗周桓公

杜諗告也事在桓十八年。諗

音審說文云深謀。

云內寵並后外寵二政嬖子配適大都耦國

亂之本也周公弗從故及於難今亂本成矣

杜驪姬為內寵二五

為外寵奚齊為嬖子曲沃為大都故曰亂本成矣

立可必乎孝而安民子其圖

之

杜奉身為孝不戰為安民

與其危身以速罪也

杜有功蓋見害故言孰與危身以召

罪

○成風聞成季之繇乃事之

林成風莊公之妻僖公之母也聞卜楚丘占成

季之繇辭乃禮事成季繇卦兆之占辭。繇直救反

而屬僖公焉故成季立之○

僖之元年齊桓公遷邢于夷儀二年封衛于楚丘邢遷

如歸衛國忘亡

杜齊桓具邢器用而遷之故邢遷夷儀如歸其國衛國被齊安集之恩亡其滅

亡之

○衛文公大布之衣大帛之冠

林衛文公名燬戴公之弟也杜大布

織布大帛厚繒蓋用諸侯諒闇之服。衛文公大布之衣本或作衣大布之衣誤

務材訓農通



商惠工

林務蓄材木以立門戶宗廟官室廬舍訓飭農事服田力穡通達商旅貿遷有無加惠百工賴

其利敬教勸學

林敬重五教勸勉為學之士

授方任能

杜方百事之宜也

元

年革車三十乘季年乃三百乘

杜衡文公以此年冬立齊桓公始平魯亂故傳

同言齊之所以

霸衛之所由興革車兵車季年在僖二十五年蓋招懷迸散故能致十倍之衆。乘繩證反下

左傳杜林合注卷八

# 欽定四庫全書

經部

左傳杜林合注卷九至十二

詳校官監察御史<sub>臣</sub>祝德麟

給事中<sub>臣</sub>溫常綬覆勘

總校官編修<sub>臣</sub>王燕緒

校對官員外<sub>臣</sub>張慎和

謄錄監生<sub>臣</sub>江右端

欽定四庫全書

左傳杜林合注卷九

明

王道焜

趙如源 同編

僖公

一名申莊公之子閔公之兄  
威風謹法小心畏懼曰僖

周

惠王十八年。魯僖公  
八年惠王崩于襄王立

鄭

文公十四年。魯僖公三十  
二年文公卒子穆公即位

齊

桓公二十七年。魯僖公十七年桓公卒寺人貂作  
亂立無虧僖十八年秋無虧  
孝公昭立僖二十七年

孝公卒弟

昭公潘立

宋

桓公二十三年。魯僖公九年。桓公卒。子襄公。茲父立。僖十九年。盟于曹。南宋襄公。圖霸。僖二十一年。為鹿上之盟。以求諸侯。於楚。僖二十二年。及楚。戰。敗于泓。二十三年。襄公卒。子成公。王臣立。

晉

獻公十八年。魯僖公九年。獻公卒。子奚齊立。冬。殺奚齊。卓子立。僖十年。弒卓子。惠公夷吾立。僖二十三年。惠公卒。懷公圉立。僖二十四年。殺懷公。文公重耳立。僖二十八年。使先軫將中軍。敗楚人于城濮。合諸侯于踐土。晉文公主霸。魯僖公三十二年。文公卒。子襄公。繼立。僖三十三年。敗秦于殽。晉襄公繼霸。是年。敗狄于箕。先軫卒。先日居將中軍。

衛

文公元年。魯僖公二十五年。文公卒。子成公立。僖二十八年。成公奔楚。衛元咺奉叔武以受盟于踐土。衛成復歸。殺叔武。晉人執衛侯。衛元咺立。公子瑕。僖三十年。殺瑕。衛成公歸衛。

蔡

穆侯十六年。魯僖公十四年穆侯卒子莊公甲午立

曹

昭公三年。魯僖公七年昭公卒子共公襄卒僖二十八年晉文公執曹伯畀宋人是年曹伯歸曹

滕

詳見隱公元年魯僖公十九年宋執滕宣公

陳

宣公三十四年。魯僖公十二年宣公卒子穆公欽立僖二十八年穆公卒子共公朔立

杞

杜氏年表武公二十九年入春秋至僖公二十三年始載杞成公卒弟桓公姑容立而致之史記自武公

靖公共公德公至桓公姑容立共九十六年而無成

公一代世本熊周索隱徐廣所說又云惠公生成公

桓公名有互異又如春秋所書隱四年伐杞桓二年

來朝三年命杞莊三十五年伯姬歸杞傳並不載何

公今但當以左傳所載

桓公及杜氏年表為正

薛

魯莊公三十一  
年戴薛伯卒

莒

詳見隱公元年魯僖公二  
十六年傳見莒莒平公

邾

文公  
七年

許

穆公三十九年。魯僖公四  
年穆公卒于師僖公業立

小邾

魯莊公五年書邾黎來至魯僖公七年始書小邾  
子始爵命也自邾黎來為小邾子天下無未命諸

侯  
矣

楚

成王十三年。魯僖公元年始書楚僖四年齊桓公  
服楚屈完僖二十二年楚敗宋于泓皆子文為令尹

時也僖二十三年子文使子玉為  
令尹僖二十八年晉敗楚于城濮

秦

穆公元年。魯僖公十五年戰韓始見經僖二十四年納晉文公僖三十三年晉襄公敗秦于殽遂成晉

秦七十二年  
兵爭之始

吳

詳見隱  
公元年

越

詳見隱  
公元年

經

壬戌

元年春王正月○齊師宋師曹伯次于聶北救邢

杜齊師諸侯之師救邢次于聶北者葉兵觀釁以待事也次例在莊三年聶北邢地○聶女輒反○夏

夏

六月邢遷于夷儀

邢遷如歸故以自  
遷為辭夷儀邢地

○齊師宋師曹師

城邢

杜傳例曰救患分災禮也一事而再列三國於文不可言諸侯師故

○秋七月戊辰

夫人姜氏薨于夷齊人以歸

傳在閔二年不言齊人殺諱之書地者明在外薨

○楚人伐鄭

杜荊始改號曰楚

○八月公會齊侯宋公鄭伯曹

伯邾人于櫟

櫟宋地陳國陳縣西北有櫟城公及其會而不書盟還不以盟告林衣裳之會六

櫟勅呈反

○九月公敗邾師于偃

偃邾地

○冬十月壬午公子

友帥師敗莒師于鄆獲莒挈

鄆魯地挈莒子之弟不書弟者非卿非卿則不應書

書嘉季友之功故特書其所獲大夫生死皆曰獲獲例在昭二十三年。鄆力知反挈女居反又女加反。○

十有二月丁巳夫人氏之喪至自齊

杜傷公諱而葬之故告於廟而書喪

至也齊侯既殺哀姜以其尸歸絕之於魯僖公諱其喪而還不稱姜闕文



傳元年春不稱即位公出故也

杜國亂身出復入故即位之禮有關

公出

復入不書諱之也諱國惡禮也

杜掩惡揚善義存君親故通有諱例皆當時臣

子率意而隱故無深淺常準聖賢從之以通人理有時而聽之可也

○諸侯救邢

實大夫而曰諸

侯總衆國之辭

邢人潰出奔師

杜奔轟北之師也邢潰不書不告也。潰戶內反

師遂

逐狄人具邢器用而遷之師無私焉

林具邢器用如歸衛祭服牛羊豕雞

狗門材魚軒乘馬重錦之類杜皆撰具遷之無所私取

○夏邢遷于夷儀諸侯城

之救患也凡諸侯救患分災討罪禮也

杜侯伯州長也林攘夷狄以禦

外患分穀帛以別天災修文告以討有罪此侯伯之禮也。分甫同反又如字

○秋楚人伐鄭

鄭即齊故也盟于犂謀救鄭也

杜犂即犂也地有二名。犂音洛又力角反

○九月公敗邾師于偃虛丘之戌將歸者也

虛丘邾地邾人既送

東姜還齊人殺之因戊虛丘欲以侵魯公以義求齊齊送姜氏之喪邾人懼乃歸故公要而敗之。虛起居反

○冬莒人來求賂

林莒以師來臨魯求還慶父之賂

公子友敗諸鄆獲

莒子之弟挈非卿也

林古者命卿師師經書獲挈傳以非卿釋之明挈在行非師師也

嘉獲之也

杜莒既不能為魯討慶父受魯之路而又重來其求無厭故嘉季友之獲而書之

公

賜季友汶湯之田及費

杜汶陽田汶水北地汶水出泰山萊蕪縣西入濟林嘉季友之

功故賜以汶湯之田及費傳著季氏之所以盛。汶音問費音秘

○夫人氏之喪至自

齊君子以齊人之殺哀姜也爲已甚矣女子從人者也

言女子有三從之義在夫家  
有罪非父母家所宜討也

經

癸亥

二年春王正月城楚丘

杜楚丘衛邑不言城衛  
未遷林以魯辭書之以

封衛累齊桓公也以爲天下之公義也觀木瓜以美  
齊定中以美衛則春秋書楚丘以善辭居然可見矣

夏五月辛巳葬我小君哀姜

杜無傳反哭成喪故稱  
小君例在定十五年

虞師晉師滅下陽

杜下陽魏邑在河東大陽縣晉於  
此始起見經滅例在襄十三年

秋九月齊侯宋公江人黃人盟于貫

貫宋地梁國蒙縣  
西北有貫城貫與

貫字相似江國在汝南安陽縣林衣  
棠之會不在九合之數。貫古亂反

○冬十月不雨

傳在

三  
年 ○楚人侵鄭

傳二年春諸侯城楚丘而封衛焉

杜君死國滅故傳言封

不書所

會

林不書所會之諸侯

後也

諸侯既罷而魯後至諱不及期故以獨城為文

○晉荀息請

以屈產之乘與垂棘之璧假道於虞以伐虢

杜荀息荀叔也屈地

生良馬垂棘出美玉故以為名四馬曰乘自晉適虢途出於虞故借道。屈求勿反又居勿反乘繩證反公

曰是吾寶也對曰若得道於虞猶外府也

林府庫也言以璧馬與虞

終必滅虞而取之猶寄之在外之府庫必無所失

公曰宮之奇存焉

杜宮之奇虞忠臣。

奇其對曰宮之奇之為人也懦而不能強諫

懦弱也。懦本又作

稱乃亂反又乃貨反字林作悞

且少長於君

林宮之奇自少長養

於公宮。少詩照反長丁丈反

君暱之雖諫將不聽

杜親而押之必輕其言。暱女乙反

乃使荀息假道於虞曰冀爲不道入自顛軫伐鄭三門

杜前是冀伐虞至鄭鄭虞邑河東大陽縣東北有顛軫坂。軫音零鄭亡丁反

冀之既病則亦

唯君故

杜言虞報伐冀使病將欲假道故稱虞疆以說其心冀國名平陽皮氏縣東北有冀亭

今

號爲不道保於逆旅

杜逆旅客舍也號稍遣人分依客舍以聚衆抄晉邊邑

以侵

敝邑之南鄙敢請假道以請罪于號

杜問號伐已以何罪

虞公許

之且請先伐號

杜喜於厚賂而欲求婚

宮之奇諫不聽遂起師夏

晉里克荀息帥師會虞師伐虢滅下陽

杜晉猶主兵不信虞

先書

虞賄故也

杜虞非倡兵之首而先書之惡貪賄也。賄呼罪反。

○秋盟于貫服江

黃也

江黃楚與國也始來服齊故為合諸侯

○齊寺人貂始漏師于多魚

杜寺人內奄官豎貂也多魚地名闕齊桓多嬖寵內則如夫人者六人外則幸豎貂易牙之等終以此亂國傳言貂於此始擅貴寵漏洩桓公軍事為齊亂張本。寺如字又音侍貂音彫。○虢公敗戎于

桑田

杜桑田號地在弘農陝縣東北

晉卜偃曰虢必亡矣亡下陽不愆

而又有功是天奪之鑒

林下陽為晉所滅而不恐懼而又有敗戎之功是天奪之鑒使

不得以自照

而益其疾也

杜驕則生疾

必易晉而不撫其民矣不

可以五稔

杜稔熟也。爲下五年晉滅虢。張本。易以致反。稔入甚反。

○冬楚人伐鄭

鬬章囚鄭聃伯

經書倭而言伐。本以伐興權行。侵掠爲後年楚伐鄭。鄭伯欲成張本。聃乃甘

反

經

子甲

三年春王正月不雨夏四月不雨

杜一時不雨則書首月傳例曰

不曰旱不爲災

○徐人取舒

杜無傳徐國在下邳僮縣東南舒國今廬江舒縣勝國而不用大師

亦曰取例在襄十三年林舒楚之同類詩所謂荆舒者也徐附齊故爲齊取楚之與國

○六月雨

示旱不竟夏

○秋齊侯宋公江人黃人會于陽穀

杜陽穀齊地在東平

須昌縣北林木棠之會不在九合之數

○冬公子友如齊蒞盟

杜蒞臨也林吾君大

夫如齊自僖之初年始前此通他邦必有故也。泄音利又音類。

○楚人伐鄭

傳三年春不雨夏六月雨自十月不雨至于五月不曰

旱不為災也

杜周六月夏四月於播種五稼無損

○秋會于陽穀謀伐楚

也

杜二年楚侵鄭故

○齊侯為陽穀之會來尋盟冬公子友如

齊涖盟

公時不會陽穀故齊侯自陽穀遣人詣魯來尋盟魯使上卿詣齊受盟謙也。為于偽反

楚人伐鄭鄭伯欲成孔叔不可曰齊方勤我

杜孔叔鄭大夫勤恤

棄德不祥

杜祥善也

○齊侯與蔡姬乘舟于囿蕩公

杜蔡姬齊

侯夫人蕩搖也囿苑也蓋魚池在苑中。囿音又

公懼變色禁之不可公怒歸



之未之絕也蔡人嫁之

爲明年齊侵蔡傳

經

乙丑

四年春王正月公會齊侯宋公陳侯衛侯鄭伯許

男曹伯侵蔡蔡潰

杜民逃其上曰潰例在文三年

遂伐楚次于陘

杜遂兩事

之辭楚強齊欲綏之以德故不速進而次陘陘楚地潁川召陵縣南有陘亭林侵蔡遂伐楚以見齊霸侵陳遂侵宋以見楚霸。陘音刑

○夏許男新臣卒

杜未同盟而赴以名林即許叔也穆公卒僖公

業立 ○楚屈原來盟于師盟于召陵

杜屈完楚大夫也楚子遣完如師以觀齊

屈完親齊之盛因而求盟故不稱使以完來盟爲文齊桓退舍以禮楚故盟召陵召陵潁川縣也林不戰服楚也

○齊人執陳轅濤塗

轅濤塗陳大夫。轅本又作袁濤音挑

○秋及江

人黃人伐陳

杜受齊命討陳之罪而以與謀為文者  
時齊不行使魯為主與謀例在宣七年 ○

八月公至自伐楚

杜無傳  
告于廟

○葬許穆公 ○冬十有二月

公孫茲帥師會齊人宋人衛人鄭人許人曹人侵陳

公孫

茲叔牙子  
叔孫戴伯

傳四年春齊侯以諸侯之師侵蔡蔡潰

林齊桓公霸諸  
侯攘夷狄尊天

子蔡自北杏一與中國之會而棄我諸侯甘心黨楚故  
齊帥諸侯伐楚而先事侵蔡潰蔡者先披楚之黨也

遂伐楚楚子使與師言曰君處北海寡人處南海唯是

風馬牛不相及也

杜楚界猶未至南海因齊處北海遂  
稱所近牛馬風逸蓋未界之微事故

以取喻林牝牡相誘曰風言雖牛馬風逸牝牡相誘亦不相及喻齊楚遠不相干也 不虞君之涉

吾地也何故

林問師之伐楚以何名

管仲對曰昔召康公命我先

君大公

杜召康公周大保召公奭也林此下皆舉召公命大公之辭。大音泰

曰五侯九

伯女實征之以夾輔周室

杜五等諸侯九州之伯皆得征討其罪齊桓因此命以夸

楚林帥諸侯來時輔佐我周王。女音汝夾古洽反舊古協反

賜我先君履東至于海

西至于河南至于穆陵北至于無棣

杜穆陵無棣皆齊竟也履所踐履之

界齊桓又因以自言其盛林索隱曰今淮南有故穆陵門是楚之境無棣在遼西孤竹服虔以為大公受封境界所至不然也蓋言其征伐所至之域也愚按是時管仲相齊子文相楚正是的對楚既以涉地何故為問則

齊不應歷言受封境界以自狹當以征伐所至為正。據大計反。

爾貢包茅不入王祭

不共無以縮酒寡人是徵

林以下皆青楚討罪之辭杜包茅束也茅菁茅也束茅而

灌之以酒為縮酒尚書苞匭菁茅茅之為異未當。共本亦作供音恭下同縮所六反。

昭王南征

而不復寡人是問

杜昭王成王之孫南巡守涉漢船壞而溺周人諱而不赴諸侯不知其故

故問

對曰貢之不入寡君之罪也敢不共給昭王之不

復君其問諸水濱

杜昭王時漢非楚竟故不受罪。濱音賓。

師進次于陜

杜楚

不服罪故復進師林楚語云先君蚡冒之所以服陜隰也陜必為楚之要也故齊以諸侯之師進而據之焉

夏楚子使屈完如師

如陜之師觀強弱

師退次于召陵

杜完請盟故

齊侯陳諸侯之師與屈完乘而觀之

杜乘其載。乘繩證反。

齊侯

曰豈不穀是為先君之好是繼與不穀同好如何

杜言諸侯

之附從非為己乃尊先君之好謙而自廣因求與楚同好孤寡不穀諸侯謙稱。為于偽反好呼報反

對

曰君惠徼福於敝邑之社稷辱收寡君

林言齊嘉惠徼求楚國社稷之

福不以收拾寡君同好為齊之辱。徼古堯反要也

寡君之願也齊侯曰以此衆

戰誰能禦之以此攻城何城不克對曰君若以德綏諸

侯誰敢不服君若以力楚國方城以為城漢水以為池

方城山在南陽葉縣南以言竟土之遠漢水出武都至江夏南入江言其險固以當城池。漢水以為池本或

作漢以為池水衍字

雖衆無所用之屈完及諸侯盟○陳轅濤塗

謂鄭申侯曰師出於陳鄭之間國必甚病

杜中侯鄭大夫常有共給

之費

故若出於東方觀兵於東夷循海而歸其可也

杜東夷邾

昔徐夷也觀兵示威林其可免二國共給之擾耳

申侯曰善濤塗以告齊侯許

之

許出東方

申侯見曰師老矣

林言兵出久疲敝

若出於東方而遇

敵懼不可用也若出於陳鄭之間共其資糧靡屨其可

也

杜靡草屨。見賢通反糧音良靡符賁反

齊侯說與之虎牢

杜還以鄭邑賜之。說音

悅

執轅濤塗○秋伐陳討不忠也

杜以濤塗為誤軍道

○許穆公

卒于師葬之以侯禮也

杜男而以侯禮加等林得賞功之禮

○凡諸侯薨

于朝會加一等

諸侯命有三等公為上等侯伯中等子男為下等

死王事加二

等

杜謂以死勤事

於是有以袞歛

袞衣公服也謂加二等袞衣公服也謂加二等袞衣公服也謂加二等

○冬

叔孫戴伯帥師會諸侯之師侵陳陳成歸轅濤塗

林戴伯即

公孫茲也齊復侵陳以討不忠之罪杜陳服罪故歸其大夫戴謚也

○初晉獻公欲以驪

姬為夫人

林事在莊公二十八年傳

卜之不吉筮之吉公曰從筮

林獻

公溺愛驪姬故欲違卜從筮

卜人曰筮短龜長不如從長

杜物生而後有象象

而後有滋滋而後有數龜象筮數故象長數短林象在先數在後故以先為長以後為短。如依字讀或音而

據反 且其繇曰專之渝攘公之瑜

杜繇卜兆辭渝變也攘除也瑜美也言變乃除

公之美林言專寵之變必將奪公之所美蓋指申生言奪公之嫡也。繇直救反渝羊朱反下瑜同音攘如羊

反

一薰一蕕十年尚猶有臭

林薰香草譬申生之徒猶臭草譬驪姬之黨言香臭

共處則香不勝臭猶美不勝惡十年尚猶有臭言善易消惡難除也。薰許云反猶音由 必不可弗

聽立之生奚齊其娣生卓子及將立奚齊既與中大夫

成謀

林中大夫里克也獻公欲廢太子憚里克未敢廢里克曰中立其免乎是成謀也。卓吐濁反 姬

謂大子曰君夢齊姜必速祭之

杜齊姜大子母言求食

大子祭于

曲沃歸胙于公

杜胙祭之酒肉胙才故反

公田姬寘諸宮六日公



至毒而獻之

杜毒酒經宿輒敗而經六日明公之惑。真之豉反。

公祭之地地墳

林驪姬謂公酒食自外來不可不試故令公祭地毒酒至地地為墳起。墳扶粉反。

與犬犬斃與

小臣小臣亦斃姬泣曰賊由太子太子奔新城

杜新城曲沃

斃婢世反

公殺其傅杜原款或謂大子子辭君必辯焉

林子若有

辭于公以六日之狀自理獻公必辯其詐。款苦膏反辯兵免反。

大子曰君非姬氏居

不安食不飽我辭姬必有罪君老矣吾又不樂

杜吾自理則姬

死姬死則君必不樂不樂為由吾也。樂音洛。

曰子其行乎大子曰君實不察

其罪被此名也以出

林獻公實不察其罪之有無被此欲弑君父之罪名以出奔。被皮

寄反又  
皮綺反

人誰納我十二月戊申縊于新城姬遂諧二公

子曰皆知之重耳奔蒲夷吾奔屈

杜二子時在朝為明年晉叔申生傳○縊

一賜反諧

側鵠反

經丙寅五年春晉侯殺其世子申生

稱晉侯惡用詭書春從告

○杞伯

姬來朝其子

杜無傳伯姬來寧寧成風也朝其子者時子在十歲左右因有諸侯子得行朝義

而卒不成朝禮故繫于母而曰朝其子○杞伯姬來絕句朝其子猶言其子朝

○夏公孫茲如

牟

杜叔孫戴伯娶于牟師非君命不越竟故奉公命聘于牟因自為逆

○公及齊侯宋公

陳侯衛侯鄭伯許男曹伯會王世子于首止

杜惠王大子鄭也不

名而殊會尊之也首止衛地陳畱襄邑縣東南有首鄉  
林衣棠之會七殊會世子不以世子夷于諸侯所以定

世子

○秋八月諸侯盟于首止

杜預無異事復稱諸侯者王世子不盟故也王

之世子尊與王同齊桓行霸翼戴天子尊崇王室故殊貴世子

鄭伯逃歸不盟

杜逃其師而歸

也逃例在文三年

○楚人滅弦弦子奔黃

杜弦國在弋陽縣東南林夷狄始滅中

國

○九月戊申朔日有食之

無傳

○冬晉人執虞公

杜虞公貪

璧馬之寶距絕忠諫稱人以執同於無道於其民之例在成十五年所以罪虞且言易也晉侯修虞之祀而歸其職貢於王故不以滅同姓為譏

傳五年春王正月辛亥朔日南至

林周正月今之十一月蓋十一月一日冬

至也。自秋分日行南陸，至冬至之日，日南極。

公既視朔，遂登觀臺，以望而書。

禮也。

杜視朔，親告朔也。觀臺，臺上構屋，可以遠觀者也。朔旦冬至，歷數之所始，治歷者因此則可以明其

術數，審別陰陽，敘事訓民，魯君不能常修此禮，故善公之得禮。觀，古亂反。臺，以望絕句而書本或作而書雲。

物非也。

凡分至啓閉，必書雲物。

杜分春秋分也。至，冬至。啓，立春。立，夏閉。立秋，立

冬雲物氣色災變也。傳，重申。周典不言公者，日官掌其職。

爲備故也。

素察妖祥，逆爲之備。

○晉

侯使以殺大子申生之故來告。

杜釋經，必須告乃書。

初，晉侯使士

薦爲二公子築蒲與屈。

林爲重耳築蒲，爲夷吾築屈。事並在莊十六年。爲，于僞反。

不慎，寘薪焉。

林，不謹慎，寘薪於上，雜而築之，不堅實。寘，之政反。

夷吾訴之公使

讓之

杜謹讓之

士為稽首而對曰臣聞之無喪而感憂必讐

馬

杜讐對也猶

無戎而城讐必保焉

杜保而守之

寇讐之保又何

慎焉

林言獻公今無戎而築二城終為寇讐之所保守又何必謹慎為之堅築哉

守官廢命

不敬固讐之保不忠失忠與敬何以事君

林言若不堅築則守官而

廢君之命恐負不敬之罪若固築則是為寇讐而固其保守恐負不忠之罪若失忠敬二者何以盡事君之道

此言士為所以築城而不敢堅固

詩云懷德惟寧宗子惟城

杜詩大雅懷德以安

則宗子之固若城

君其脩德而固宗子何城如之

杜言城不固如宗子三

年將尋師焉焉用慎

杜尋用也林三年之後君將用師于蒲屈焉蓋當時驪姬欲殺二公

子之謀已露退而賦曰狐裘龍茸一國三公吾誰適從

○焉於虔反  
林以狐腰為裘貴者之裘也  
○龍茸亂貌言貴者之多蒲

屈大都耦國故獻公與二子鼎立為三公杜士為自作  
之詩也言城不堅則為公子所訴為公所讓堅之則為

固讐不忠無以事君故不知所從  
○龍莫江反又音蒙  
韋如容反及難  
○林及驪姬之難  
公使寺人披伐蒲重耳

適丁歷反  
曰君父之命不校乃徇曰校者吾讐也踰垣而走披斬

其祛遂出奔翟  
○林言披以君父之命來伐不敢與校強  
弱勝負敢與披校者我當反讐怨之也

杜祛被也○披音皮反校音教徇  
似俊反垣音袁祛起魚反翟音狄  
○夏公孫茲如牟娶

焉  
○杜因聘而娶故傳實其事  
○會于首止會王太子鄭

娶本或作取七喻反

謀寧周也

杜惠王以惠后故將廢大子鄭而立王子帶故齊桓帥諸侯會王太子以定其位林謀定

世子以安周室也

○陳轅宣仲怨鄭申侯之反已於召陵

宣仲轅濤

塗故勸之城其賜邑曰美城之大名也子孫不忘吾助

子請乃為之請於諸侯而城之美

林四年齊桓公以虎牢賜鄭申侯故濤塗

勸申侯城其所賜之邑城虎牢而美設樓櫓之備可遂以存莫大之名傳之子孫不忘其功○美城之絕句

諸諸鄭伯曰美城其賜邑將以叛也申侯由是得罪

林言

申侯城其賜邑美設樓櫓將負固保險以叛鄭國鄭伯信濤塗之譖故猜忌申侯由此得罪為七年鄭伯殺申

侯傳 ○秋諸侯盟王使周公召鄭伯曰吾撫汝以從楚輔

之以晉可以少安

杜周公宰孔也王恨齊桓定大子之位故召鄭伯使叛齊也晉楚不服於

齊故以鎮安鄭○秋諸侯盟本武此下更有于首止三字非女音汝

鄭伯喜於王命而懼

其不朝於齊也

林以得王命為喜又不朝于齊為懼

故逃歸不盟孔叔

止之曰國君不可以輕輕則失親

杜孔叔鄭大夫親黨援也林言國君舉動

不可以輕易輕易則失其黨援○輕遣政反下同

失親患必至病而乞盟所喪

多矣君必悔之弗聽逃其師而歸

林若失黨援則禍患必至及至為齊所伐

病困而後乞盟于齊鄭之所喪失者為已多矣君行師從時鄭文公已會首止故逃其師而歸○喪患浪反

○楚關穀於菟滅弦弦子奔黃於是江黃道栢方睦於



齊皆弦姻也

杜姻外親也道國在汝南安陽縣南栢國名汝南西平縣有栢亭

弦子恃

之而不事楚又不設備故亡○晉侯復假道於虞以伐

虢宮之奇諫曰虢虞之表也虢亡虞必從之晉不可啓

寇不可翫

林以虢為表以虞為裏言虢為虞之外護晉心無厭不可開啓晉兵為寇不可翫習○復

扶又反

一之謂甚其可再乎

杜為二年假晉道滅下陽

諺所謂輔車相

依唇亡齒寒者其虞虢之謂也

杜輔頰輔車牙車林言虞如牙車如齒在累虢

如輔頰如唇在表二國相須以主去一不可○車尺奢反

公曰晉吾宗也豈害我哉

對曰大伯虞仲大王之昭也大伯不從是以不嗣

杜大伯虞

仲皆大王之子不從父命俱讓適吳仲雍支子別封西

吳虞公其後也林大王於周為穆穆生昭故大王之子

為昭。大音泰下同昭

號仲號叔王季之穆也

杜王季者大伯

上饒反後昭穆故此

虞仲之母弟也號仲號叔王季之子文王之母弟也叔

仲皆號君字林王季於周為昭昭生穆故王季之子為

穆為文王卿士勲在王室藏於盟府

林王功曰勲言有王功在周室杜盟

府司盟之官

將號是滅何愛於虞

林言虞號皆與晉同宗今晉且將滅號晉不愛號而

獨有愛於虞乎

且虞能親於桓莊乎其愛之也桓莊之族何罪

而以為戮不唯偏乎

杜桓叔莊伯之族晉獻公之從祖昆弟獻公患其偏盡殺之事在莊

二十五年。偏彼力反

親以寵偏猶尚害之況以國乎

林至親而以恃寵偏

害晉國獻公猶尚盡殺害之况以虞有一國之寵利晉豈無並吞虞公之心公曰吾享祀豐

潔神必據我

杜據猶安也。享與兩反。

對曰臣聞之鬼神非人實親

惟德是依故周書曰皇天無親惟德是輔

杜周書逸書

又曰黍

稷非馨明德惟馨

杜馨香之遠聞林言感鬼神者非以黍稷案盛之馨香蓋以君之明德惟

馨香之遠聞也

又曰民不易物惟德繫物

杜黍稷牲玉無德則不見饗有德則見饗

言物一而異用。緊烏兮反是也。

如是則非德民不和神不享矣神所

馮依將在德矣若晉取虞而明德以薦馨香神其吐之

乎弗聽許晉使宮之奇以其族行

林夫民神之主也故以民和為先民和而

後神享其祭鬼神之所馮附而依賴者將在德之厚薄  
若晉滅虞而取其國而以明德厲其馨香禮事神祇則  
虞之山川鬼神豈不享其祭而吐之乎言不必據虞之  
享祀官之奇知虞必滅故挈其族去適他國以避禍也  
○馮皮冰反 曰虞不臘矣 林臘歲終祭衆神之名言虞  
使所吏反 不及臘祭之期。臘力盍反

在此行也晉不更舉矣

杜不更舉兵林言將滅虢而遂舉滅虞

八月甲午

晉侯圍上陽

杜上陽虢國都在弘農陝縣東南

問於卜偃曰吾其濟乎

對曰克之公曰何時對曰童謠云丙之晨龍尾伏辰

杜龍

尾星也日月之會日辰日在尾故尾星伏不見林言丙日之朔旦也。謹音遙

均服振振取

號之旂

戎事上下同服振振盛貌旂軍之旌旗林旂司馬公曰常與詩庭燎旂字皆叶句音片勝號故

取其旂。均如字。書作初音同振音真。鵠之賁賁天策煇煇火中成軍號

公其奔

杜鵑鵠火星也賁賁鳥星之體也天策博說星時近日星微煇煇無光耀也言丙子平旦鵠火

中軍事有成功也此以上皆童謠言也童觀之子未有念慮之感而會成嬉戲之言似若有馮者其言或中或否博覽之士能懼思之人兼而志之以為鑒戒以為將來之驗有益於世教。鵠述春反又常倫反賁音奔煇

他門

其九月十月之交乎

杜以星驗推之如九月十月之交謂夏之九月十月也交

晦朔

丙子旦日在尾月在策

杜是夜日月合朔於尾月行疾故至旦而過在策

鵠火中必是時也

林鵠火星見於南方言中言序冬十

二月丙子朔晉滅虢虢公醜奔京師

林醜虢公名皆如童謠之言杜不書

不告也周十二月夏之十月

師還館于虞遂襲虞滅之執虞公及其

大夫井伯以媵秦穆姬

杜秦穆姬晉獻公女送女曰媵以屈辱之

而修虞祀

且歸其職貢於王

林修虞之所命祀且歸虞之職貢于周室

故書曰晉人執

虞公罪虞且言易也

林以虞貪璧馬而亡其國假道而因取虞不煩干戈故言易也。易

以政反

經六年春王正月○夏公會齊侯宋公陳侯衛侯曹

伯伐鄭圍新城

杜新城鄭新密今滎陽密縣

○秋楚人圍許

杜楚子不親圍

以國者告林夷狄始圍中國

諸侯遂救許

皆伐鄭之諸侯故不復更叙

○冬公至

自伐鄭

無傳

傳六年春晉侯使賈華伐屈夷吾不能守盟而行

杜賈華

大夫非不欲拔力不能守言不如重耳之賢林與屈人盟必不肯已而去

將奔狄卻芮曰後

出同走罪也

林卻芮夷吾之臣言夷吾後重耳出奔而同走狄嫌與重耳同謀相隨是負罪也。

卻去逆反芮如銳反

不如之梁梁近秦而幸焉乃之梁

杜以梁為秦所親幸

秦既入國且穆姬在焉故欲因以求入。近附近之近

○夏諸侯伐鄭以其逃首

止之盟故也

杜肯止盟在五年

圍新密鄭所以不時城也

實新密而

經言新城者鄭以非時與土功齊桓聲其罪以告諸侯

○秋楚子圍許以救鄭諸

侯救許乃還

林圉許以救鄭者攻其所必救也

○冬蔡穆侯將許僖公

以見楚子於武城

杜楚子退舍武城猶有忿志而諸侯各罷兵故蔡將許君歸楚武城楚地

在南陽宛縣北見賢適反

許男面縛銜璧大夫衰經士輿櫬

杜縛手於

後來見其面以璧為贊手縛故銜之林君將受死故使大夫衰經從有喪者之服櫬棺也使士輿棺而從之。

衰七雷反經直結反櫬初觀反

楚子問諸逢伯

林逢伯楚大夫楚子問以受降之禮

對曰

昔武王克殷微子啓如是

杜微子啓紂庶兄宋之祖也

武王親釋其

縛受其璧而被之

杜被除凶之禮。被芳弗反徐音廢說文云除惡之祭也

焚其櫬

禮而命之使復其所

林待之以禮而命之以辭使復安其處所

楚子從之



經戊辰七年春齊人伐鄭○夏小邾子來朝杜無傳邾黎來始得王命

而來朝也邾之別封故曰小邾林自邾黎來為小邾子而天子無未命諸侯自晉處父為陽處父而天下無未

命大夫○鄭殺其大夫申侯杜申侯鄭師專利而不厭故稱名以殺罪之也例在文六

年

○秋七月公會齊侯宋公陳世子款鄭世子華盟于

甯母

杜高平方與縣東有泥母亭音如甯林衣裳之會八。母如字又音無

○曹伯班卒

杜無傳五年同盟于首止○公子友如齊無傳罷盟而聘謝不敏也

○冬葬曹昭公無傳

傳七年春齊人伐鄭孔叔言於鄭伯曰諺有之曰心則

不競何憚於病

杜競強也憚難也林言心既不能自既強何畏難於卑弱之病。憚徒旦反

不能強又不能弱所以斃也國危矣請下齊以救國

謂林

卑下服齊以救鄭國之社稷。下戶嫁反

公曰吾知其所由來矣姑少待我

林我知其禍之所從來矣且少待我處分杜欷以申侯說

對曰朝不及夕何以待君

林言鄭國之危朝不保暮何可待君之處分。朝如字

○夏鄭殺申侯以說于齊

且用陳轅濤塗之譖也

杜濤塗譖在五年

初申侯申出也

杜姊之

子為出

有寵於楚文王文王將死

林仕於楚而得寵幸於文王文王死在莊十九

年

與之璧使行曰唯我知女女專利而不厭子取子求

不女疵瑕也

從我取從我求我不以女為罪釁。女音汝下皆同疵似斯反又疾移反

後之

人將求多於女

杜謂嗣君也求多以禮義大望責之

女必不免我死女必

速行無適小國將不女容焉

杜政扶法峻

既葬出奔鄭又有

寵于厲公子文聞其死也曰古人有言曰知臣莫若君

弗可改也已

林言知其臣之賢否莫如其君之明古人此言弗可改易必然如此

○秋盟

于甯母謀鄭故也

林以鄭未服故謀其事

管仲言於齊侯曰臣聞

之招攜以禮懷遠以德德禮不易無人不懷

林諸侯之攜離者惟

有禮可以招徠之遠方之叛服者惟有德可以懷服之德禮持心無所改易遠近之人無不懷附

齊侯

修禮於諸侯諸侯官受方物

杜諸侯官司各於齊受其方所當貢天子之物林蓋

東周衰微貢賦多闕故諸侯各受其貢物

鄭伯使大子華聽命於會言於齊

侯曰洩氏孔氏子人氏三族實違君命

杜三族鄭大夫洩息列反

若君去之以為成我以鄭為內臣君亦無所不利焉

林若

齊君去此三族以與鄭國為平我以鄭事齊如齊封內之臣鄭既內屬不侵不叛齊亦無所不得其利。去起

呂反

齊侯將許之管仲曰君以禮與信屬諸侯而以姦終

之母乃不可乎

林齊君自創伯以來以有禮與有信聯屬諸侯之國而終之以子華奸邪之謀

言其不可之甚

子父不奸之謂禮守命共時之謂信

杜守君命共時事。

奸音干  
共音恭

違此二者姦莫大焉公曰諸侯有討於鄭未捷

今苟有釁從之不亦可乎

杜子華犯父命是其釁  
從其言以服鄭不亦可以有

功

對曰君若綏之以德加之以訓辭

林言齊君若以德而撫綏鄭國加以

教訓之辭責其逃盟之罪

而帥諸侯以討鄭鄭將覆亡之不暇豈敢

不懼若總其罪人以臨之

杜總將領也子華奸父之命即罪人。覆方服反鄭

有辭矣何懼

杜以大義為辭

且夫合諸侯以崇德也會而列姦

何以示後嗣

林合諸侯之會盟以尊崇有德也今會而用子華之奸謀是列子華之奸於會何以

示後嗣之子孫

夫諸侯之會其德刑禮義無國不記記姦之位

君盟替矣

杜重言諸侯會同之事綏之以德威之以刑親之以禮訓之以義諸侯之國皆記其事位

會位也記于華之奸人列在會位齊君之盟自此廢矣林替廢也。替他計反作而不記非盛

德也

杜君舉必書雖復齊史隱諱亦損盛德

君其勿許鄭必受盟

林鄭必感德而

受盟于齊

夫子華既為大子而求介於大國以弱其國亦必

不免

杜介固也林求因齊大國之力去三族而以鄭為齊封內之臣是弱其國亦必不免於禍。介音界

鄭有叔詹堵叔師叔三良為政未可間也齊侯辭焉子

華由是得罪於鄭冬鄭伯使請盟于齊

杜以齊侯不聽子華故林為十

六年殺子華傳。堵丁古反又音者間間廁之間

○閏月惠王崩襄王惡大叔

帶之難

杜襄王惠王大子鄭也大叔帶襄王弟惠王子也有寵于惠后惠后欲立之未及而卒。惡

烏路反大音秦叔又作州

懼不立不發喪而告難于齊

為八年盟兆傳

經

已

八年春王正月公會王人齊侯宋公衛侯許男曹

伯陳世子款盟于洮

杜王人與諸侯盟不譏者王室有難故洮曹地林兵車之會一鄭

伯乞盟

杜新服未與會故不序列別言乞盟

○夏狄伐晉○秋七月禘于

太廟用致夫人

杜禘三年大祭之名太廟周公廟致者致新死之主於廟而列之昭穆夫人淫

而與殺不莞於寢於禮不應致故僖公疑其禮歷三禘今果行之嫌異常故書之此致哀姜之主于廟也向曾曰夫人氏之喪而不言姜見絕於國之辭也今日冬致夫人而不言氏見絕於宗廟之辭也。大音泰

十有二月丁未天王崩

林惠王崩子襄王立實以前年閏月崩以今年十二月丁未告

傳八年春盟于洮謀王室也

林謀王室之難也

鄭伯乞盟請服

也襄王定位而後發喪

王人會洮還而後王定位

○晉里克帥師梁

由靡御號射為右以敗狄于采桑

杜傳言前年事也平陽北屈縣西南有采

桑津林未陳曰敗。射食亦反

梁由靡曰狄無恥從之必大克

杜不恥走敵可

逐里克曰懼之而已無速衆狄

林言敗其師使之知畏而已杜恐怨深而羣黨

報號射曰期年狄必至示之弱矣

林言一期之後狄必來伐晉不追其師是

我先示之弱矣。期音基本或作暮

夏狄伐晉報采桑之役也復期月

明期



年之  
言驗

○秋禘而致哀姜焉非禮也凡夫人不薨于寢不

殯于廟不赴于同不祔于姑則弗致也

杜寢小寢同同盟將葬又不以

殯遇廟據經哀姜薨葬之文則為殯廟赴同附姑今當以不薨于寢不得致也。附音附

○冬王人

來告喪難故也是以緩

杜有大叔帶之難林傳明非慢也

○宋公疾大

子茲父固請曰目夷長且仁君其立之

杜茲父襄公也目夷茲父庶兄

子魚也。父音甫長丁丈反

公命子魚子魚辭曰能以國讓仁孰大

焉臣不及也且又不順

林言大子能以宋國讓仁愛之道孰大於此臣之德不及太子

立嫡子以長順也今立庶子不順禮

遂走而退

林言畢遂走而退示必不敢當

左傳杜林合注卷九

欽定四庫全書

左傳杜林合注卷十

明 王道焜

趙如源 同編

僖公二

經

庚午

九年春王三月丁丑宋公御說卒

杜四同盟林桓公卒子襄公茲

父立。御魚呂反說音悅

○夏公會宰周公齊侯宋子衛侯鄭伯許

男曹伯于葵丘

杜周公宰孔也宰官周采地天子三公不字宋子襄公也傳例曰在喪公侯曰

子陳留外黃縣東有葵丘林衣裳之會九

○秋七月乙酉伯姬卒

杜無傳公羊穀梁曰

未適人故不稱國已許嫁則以成人之禮  
書不復殤也婦人許嫁而笄猶丈夫之冠  
○九月戊辰

諸侯盟于葵丘

杜夏會葵丘次伯姬卒文不相比故重言諸侯宰孔先歸不與盟林桓之會有

天子之事三於泚序王人於諸侯之上而不敢同盟焉盟於首止不  
丘而序周公於諸侯之上而不敢同盟焉盟於首止不  
但不同盟也而帥諸侯以會世  
子桓知節矣春秋是以予桓也 ○甲子晉侯詭諸卒杜

同盟而赴以名甲子九月十一日戊辰十五日也  
書在盟後從赴林獻公卒子奚齊立。僖九委反 ○冬

晉里克殺其君之子奚齊

杜獻公未葬奚齊未成君故稱君之子奚齊受命繼位無

罪故里克稱名林是年晉里克殺其君卓子  
晉惠公夷吾立。殺如字傳同公羊音弑

傳九年春宋桓公卒未葬而襄公會諸侯故曰子凡在

喪王曰小童公侯曰子

杜在喪未葬也小童者童蒙幼末之稱子者繼父之辭公侯位

尊上連王者下絕伯子男周康王在喪稱子一人劍禮稱亦不言小童或所稱之辭各有所施此謂王自稱之

辭非諸下所得書故經無其事

○夏會于葵丘尋盟且

修好禮也

下。好呼報反于下同

王使宰孔賜齊侯胙

杜胙祭肉尊之比二

王後。胙才素反

曰天子有事于文武

杜有祭事也

使孔賜伯舅胙

杜天子謂異姓諸侯曰伯舅

齊侯將下拜孔曰且有後命天子使孔

曰以伯舅耄老加勞賜一級無下拜

林賜胙之後且有別命七十曰耄級

等也言加賜一等無下階拜賜耄田節反一音他結反勞力報反級音急

對曰天威不遠

顏咫尺

杜言天鑒察不遠威嚴常在顏面之前八寸曰咫尺之氏反

小白余敢貪天

子之命無下拜

杜小白齊侯名余身也

恐隕越于下

言隕越顛隊也據天王居

上故言恐顛隊於下

以遺天子羞敢不下拜下拜登受

林貪命顛越足貽天

子之羞耻敢不下階而拜杜拜堂下受胙於堂上。遺於季反

○秋齊侯盟諸侯于葵

丘曰凡我同盟之人既盟之後言歸于好

杜義取修好故傳顯其盟

辭宰孔先歸

既會先諸侯去

遇晉侯曰可無會也

林時晉侯來會葵丘故言

可不必然往會

齊侯不務德而勤遠略故北伐山戎

在莊三

南

伐楚

在四

西為此會也東略之不知西則否矣其在亂

乎君務靖亂無勤於行

林更能經略東方則不可知西會既畢必無心經理四方縱晉

國有亂必不遑恤也在察也其察禍亂之盟乎此以齊桓盛極而衰為禍亂之萌微成晉獻殺嫡立庶言晉將

有亂齊不能救君先務安靖晉國之禍難無勞遠行以來求會

晉侯乃還

不復會齊

○九月

晉獻公卒里克平鄭欲納文公故以三公子之徒作亂

杜平鄭晉大夫三公子申生重耳夷吾林以三公子之黨在晉國者作亂。平晉悲反

初獻公使

荀息傅奚齊公疾召之曰以是藐諸孤

杜言其幼賤與諸子縣藐。藐

妙小反又亡角反

辱在大夫其若之何

欲屈辱荀息使保護之

稽首而對

曰臣竭其股肱之力加之以忠貞其濟君之靈也不濟

則以死繼之公曰何謂忠貞對曰公家之利知無不為

忠也

林凡可以利益國家者苟知其事莫不盡心力而為之是謂盡忠於君

送往事居耦

俱無猜貞也

林送往而死者謂獻公事居而生者謂奚齊杜耦兩也送死事生兩無疑恨所謂正

也。

猜

及里克將殺奚齊先告荀息曰三怨將作公杜子

徒秦晉輔之

林秦與晉之國人皆輔佐而與之

子將何如荀息曰將死

之里克曰無益也荀叔曰吾與先君言矣不可以貳能

欲復言而愛身乎

杜荀叔荀息也林吾嘗以死輔奚齊之言許獻公矣不可以有二心信近

于義言可復也能欲其言之可復而愛其身之死乎雖無益也將焉辟之且人之



欲善誰不如我我欲無貳而能謂人已乎

林謂里克欲盡忠於申生

重耳等誰不如我欲盡忠於奚齊我欲無二心於奚齊不能止里克使不忠於申生等。馬於虔反冬十

月里克殺奚齊于次

次喪

書曰殺其君之子未葬也荀

息將死之人曰不如立卓子而輔之荀息立公子卓以

葬

林卓子驪姬之婢所生子也人以卓子亦獻公嬖娣之子故勸使立而輔之荀息從其計立公子卓以葬

獻公十一月里克殺公子卓于朝荀息死之君子曰詩所

謂白圭之玷尚可磨也斯言之玷不可為也

杜詩大雅言此言之

缺難治甚於白圭。○

荀息有焉

有此詩人重言之義

○齊侯以諸

侯之師伐晉及高梁而還討晉亂也

杜高梁晉地在平陽縣西南

令

不及魯故不書

林伐晉之令不及魯國杜前已發不書例今復重發嫌霸者異於凡諸侯。令

力政反本又作命

○晉卻芮使夷吾重賂秦以求入

杜卻芮從克祖父從

夷吾者林夷吾即惠公也

曰人實有國我何愛焉

杜言國非已之有何愛而不以賂秦

入而能民土於何有從之

杜能得民不惠無土

齊隰朋帥師會秦

師納晉惠公

杜隰朋齊大夫。隰音習

秦伯謂卻芮曰公子誰恃對

曰臣聞亡人無黨有黨必有讐

杜言夷吾無黨無黨則無讐易出易入以微勸

秦。夷吾出奔在外故言亡人

夷吾弱不好弄

杜弄戲也林自幼弱時不好戲弄。好呼報反

能關不過

杜有節制

長亦不改不識其他

林及既長成不改其行其他則不知

也言其可以君

晉。長丁又反公謂公孫枝曰夷吾其定乎

杜公孫枝秦大夫子

桑也林言夷吾入

對曰臣聞之唯則定國

林唯有法則可以安定其

國家詩曰不識不知順帝之則文王之謂也

杜詩大雅帝天也則法也

言文王闇行自然合天之法

又曰不僭不賊鮮不為則

杜僭過差也賊傷害也皆

忌克也能不然則可為人法

無好無惡不忌不克之謂

也林不識知則無好惡不僭賊則不忌

今其言多忌克

難哉

林今夷吾之言多猜疑好勝是僭賊而忌克也能定其國難哉

公曰忌則多怨又

焉能克是吾利也

杜其言雖多忌適足以自害不能勝人也秦伯慮其還客已故曰是吾利

○宋襄公即位以公子目夷為仁使為左師以聽政於

是宋治故魚氏世為左師

杜子魚之後以王父字為氏故曰魚氏其後子孫世為左

師之官  
治直吏反

經辛未十年春王正月公如齊

杜無傳林魯始屈於大國朝齊之始

○狄滅

溫溫子奔衛

林溫王畿地蓋中國之狄滅而居其地

○晉里克弑其君卓

及其大夫荀息

杜弑卓在前年而以今春書者從起也獻公既葬卓已免喪故稱君也荀息稱

名者雖欲復言本無遠謀從君於昏

○夏齊侯許男伐北戎

無傳北戎山戎

○

晉殺其大夫里克

杜奚齊者先君所命卓子又以在國嗣位且未為無道而里克親為三怨

之主累弑二君故稱名以罪之

○秋七月○冬大雨雪

無傳平地尺為大雪。雨于付

反

傳十年春狄滅溫蘇子無信也蘇子叛王即狄又不能

於狄狄人伐之王不救故滅蘇子犇衛

林蘇子周司寇蘇公之後也國

於溫故曰溫子叛王事在莊十九年林反覆無常故曰無信也即狄之後又與狄人不相能

○夏四

月周公忌父王子黨會齊隰朋立晉侯

周公忌父周卿士王子黨周大

夫晉侯殺里克以說

杜自解說不篡

將殺里克公使謂之曰微

子則不及此

林微猶無也言非因子之力則無由得反晉國為君

雖然子弑二君

與一大夫為子君者不亦難乎

林謂殺奚齊卓子荀息則繼是而為子之君者

不亦難與

對曰不有廢也君何以興欲加之罪其無辭

乎

林不有奚齊卓子之廢則惠公將何以得興起而為君今君若欲加我之罪又何患無辭以殺我乎臣

聞命矣伏劍而死于是不鄭聘于秦且謝緩賂

林謝秦以緩報

入晉之賂

故不及

杜平鄭里克黨以在秦故不及里克俱死

○晉侯改葬共大子

杜共太子申生也。共音恭本亦作恭大音泰

秋狐突適下國

杜下國曲沃新城

遇大

子大子使登僕

忽如夢而相見狐突本為申生御故復使登車為僕

而告之曰夷

吾無禮余得請於帝矣

杜請罰夷吾林夷吾為申生改葬加諡而曰無禮或謂指其烝

於賈君之事見十五年

將以晉畀秦秦將祀余對曰臣聞之神不

歆非類民不祀非族君祀母乃殄乎

杜歆享也殄絕也林凡祭祀必以其

族非其族類則神不歆享其祭祀神非其族類則民亦不恪奉其祭祀言秦晉非其族類則神不歆民不祀大

子之祀必絕。畀必利反歆許金反且民何罪失刑乏祀君其圖之

林因怒夷

吾而濫及其民是失刑以晉畀秦而自絕其祀是乏祀

君曰諾吾將復請七日新

城西偏將有巫者而見我焉

杜新城曲沃也將因巫而見。偏匹綿反許之

遂不見

杜狐突許其言申生之象亦沒。見賢遍反又如字

及期而往告之曰帝

許我罰有罪矣敝於韓

杜敝敗也韓晉地獨敝惠公故言罰有罪明不復以晉界秦夷

吾思克多怨終於失國雖改葬加諡申生猶忿傳言鬼神所馮有時而信林為十五年秦獲晉侯張本

○

平鄭之如秦也

林在今年夏

言於秦伯曰呂甥卻稱冀芮實

為不從若重問以召之

杜三子晉大夫不從不與秦賜問聘問之幣。稱尺證反又如

字臣出晉君君納重耳幾不濟矣

杜茂無也

○冬秦伯使冷

至報問且召三子

林秦穆公用平鄭之計使大夫冷至報平鄭之聘且召呂卻等。冷力丁

反卻為曰幣重而言甘誘我也遂殺平鄭祁舉

杜祁舉晉大夫

及七輿大夫

林侯伯七命副車七乘故有七輿大夫之官

左行共華右行賈



華叔堅雖歛纍虎特宮山祁皆里平之黨也

杜子七與大夫。

行戶剛反下同共音恭驪音佳歛市專反纍力追反祁巨之反又上戶反

平豹奔秦

杜平豹平鄭之

子

言於秦伯曰晉侯背大主而忌小怨民弗與也伐之

必出

林言晉惠公背秦穆之大主而不與秦賜忌里平之小怨而多殺不辜以若所為故不為晉人所與

秦若伐晉無民誰戰故必出奔。背音佩

公曰失衆焉能殺違禍誰能出君

林謂惠公若失衆心安能殺里平之黨平豹既避禍在外誰能逐出其君杜為明年晉殺平鄭傳。焉於虔反

經

壬申

十有一年春晉殺其大夫平鄭父

以私怨謀亂國書名罪之書春

從

告○夏公及夫人姜氏會齊侯于陽穀

杜無傳婦人送迎不出門見兄

弟不踰閭與公俱會齊侯  
非禮林齊侯之志荒矣

○秋八月大雩

無傳過時故書

○冬

楚人伐黃

傳十一年春晉侯使以平鄭之亂來告

杜預經書在今年

○天

王使召武公內史過賜晉侯命

天王周襄王召武公周卿士內史過周大夫諸

侯即位天子賜之命圭為瑞。過古禾反

受玉情過歸告王曰晉侯其無後

乎王賜之命而情於受瑞先自棄也已其何繼之有禮

國之幹也敬禮之與也不敬則禮不行禮不行則上下

昏何以長世

林受瑞而有情教之容先自棄其顯命也已豈有可繼之道國恃禮而立猶未恃幹

而立敬載禮而行猶車載人而行不敬是無與也故上慢下暴禮不能自行無禮是無幹也故上下昏亂國不能自立何以長永世祚乎為惠公不終張本。情徒卧反長直良反又丁丈反 ○夏揚拒泉舉

伊雒之戎同伐京師入王城焚東門

杜揚拒泉舉皆戎邑及諸雜戎居伊

水雒水之間者今伊闕北有泉亭。拒俱字反舉古刀反

王子帶召之也

王子帶甘昭公也召

戎欲因以篡位

秦晉伐戎以救周秋晉侯平戎于王

林晉惠公為周與戎

講和言平戎于王尊卑之辭也為二十四年夫王出居鄭傳

○黃人不歸楚貢冬楚

人伐黃

杜黃人恃齊故

經癸酉十有二年春王三月庚午日有食之

無傳不書朔官失之 ○

夏楚人滅黃

林書伐書滅病桓公也以從會盟徒以亡其國耳

○秋七月○冬

十有二月丁丑陳侯杵臼卒

杜無傳遣世子與僖公同盟寧母及兆林宣公卒子

穆公款立。杵昌

呂反曰其九反

傳十二年春諸侯城衛楚丘之郛懼狄難也

杜楚丘衛國都郛郭

也為明年春秋侵衛傳林知狄將侵衛故先免其城郭以備之。郭芳扶反難乃旦反

○黃人恃

諸侯之睦于齊也

林黃從桓公之會盟見諸侯親睦于齊故恃之以為固

不共楚

職曰自郢及我九百里焉能害我夏楚滅黃

林以見人不可有

所恃也杜郢楚都。共音恭焉於虔反

○王以戎難故討王子帶

杜子帶前年名

周戎伐

○秋王子帶奔齊○冬齊侯使管夷吾平戎于王使

隰朋平戎于晉

杜平和也前年晉救周戎故戎與周晉不和

王以上卿之禮

饗管仲

林管仲下卿王為加禮設享宴故以上卿之禮饗之

管仲辭曰臣賤有司

也有天子之二守國高在

林大國三卿其二卿命於天子則曰天子之守臣杜國子

高子天子所命為齊守臣皆上卿也莊二十二年高侯始見經僖二十八年國歸父乃見傳歸父之父曰懿仲

高侯之子曰莊子不知今當誰世。守手又反

若節春秋來承王命何以禮焉

杜節時也林若春秋時事國高二子來聘于周奉承王室之命令臣既受上卿之禮則王室何以禮國高陪

臣敢辭

林諸侯之臣稱於天子曰陪臣。陪步同反

王曰舅氏

伯舅之使故曰舅氏余

嘉乃勳應乃懿德謂督不忘往踐乃職無逆朕命

杜勳美功

德可謂正而不可忘者不言位而言職者管仲位卑而執齊政故欲以職尊之林言我嘉美汝尊獎王室之功勳報應汝懿美之德行謂汝功德督厚不可弭忘其往受享居汝之職無違逆我之命令。督音篤管仲

受下卿之禮而還

管仲不敢以職自高卒受本位之禮

君子曰管氏之世

祀也宜哉讓不忘其上

林國高之位在上而能讓遜不忘其職

詩曰愷悌

君子神所勞矣

杜詩大雅愷樂也悌易也言樂易君子為神所勞來故世祀也管仲之後於齊

沒不復見傳亦舉其無驗。愷本亦作凱開在反悌音弟本亦作弟勞力報反

經申十有三年春秋侵衛

傳在前年春

○夏四月葬陳宣公

無傳 ○公會齊侯宋公陳侯衛侯鄭伯許男曹伯于鹹杜

衛地東郡濮陽縣東南有鹹城林兵車之會二 ○秋九月大雩無傳書過 ○冬公子

友如齊

無傳

傳十三年春齊侯使仲孫湫聘于周且言王子帶

林仲孫湫

齊大夫杜前年王子帶奔齊言欲復之

事畢不與王言

杜不言子帶事

歸復命曰

未可王怒未怠其十年乎不十年王弗召也

林十者數之盈也子

帶罪重必十年乃可復易曰女子貞不字十年乃字蓋十者盈數也

○夏會于鹹淮夷病

杞故且謀王室也

林淮夷東夷也王室亦有戎難故謀杞并謀王室之難

○秋為

戎難故諸侯戍周齊仲孫湫致之

杜戍守也致諸侯戍卒于周。為于偽反

難乃旦反

○冬晉荐饑

杜麥禾皆不熟。荐在薦反重也饑音飢

使乞糴于秦秦

伯謂子桑

林即公孫枝糴直歷反

與諸乎對曰重施而報君將何

求

杜言不損秦施式鼓反下同

重施而不報其民必攜攜而討焉無

衆必敗

杜不義故民離

謂百里與諸乎

杜百里秦大夫林即百里奚

對曰天

災流行國家代有救災恤鄰道也行道有福

林言饑饉乃天降之

災如水流行無有定止有國家者更代而有此災救饑荒之政以恤鄰國此天地之常理也順理而行則天降

福之

平鄭之子豹在秦請伐晉

杜欲為父報怨

秦伯曰其君是惡



其民何罪秦於是乎輸粟于晉自雍及絳相繼杜雍秦國都絳

晉國都。雍於反絳古巷反命之曰汎舟之役杜從渭水運入河汎芳劍反

經乙亥十有四年春諸侯城緣陵杜緣陵杞邑辟淮夷遷都於緣陵林不序諸侯

散辭也是故但曰諸侯者不係之伯者之辭也但曰大夫者不係之君之辭也○夏六月季姬

及鄆子遇于防使鄆子來朝杜季姬魯女鄆夫人也鄆子本無朝志為季姬所召

而來故言使鄆子來朝鄆國今琅邪鄆縣。鄆似陵反本或作繒○秋八月辛卯沙鹿

崩杜沙鹿山名平陽元城縣東有沙鹿土山○狄侵鄭

無傳○冬蔡侯盼卒杜無傳未同盟而赴以名林穆侯○

傳十四年春諸侯城緣陵而遷杞焉不書其人有闕也

杜闕謂器用不具城池未固而去為惠不終也澶淵之會既而無歸大夫不書而國別稱人今此總曰諸侯君

臣之辭不言城杞杞未遷也

○鄆季姬來寧公怒止之以鄆子之不

朝也

杜來寧不書而後年書歸鄆更嫁之文也明公絕鄆昏既來朝而還

夏遇于防而使

來朝○秋八月辛卯沙鹿崩晉卜偃曰期年將有大咎

幾亡國

杜國主山川山崩川竭亡國之徵。期音基咎其尤反幾音祈又音機

○冬秦饑

使乞糴于晉晉人弗與慶鄭曰背施無親

慶鄭晉大夫林背秦之施

是為無親。背音佩後皆同施式鼓反

幸災不仁貪愛不祥怒鄰不義

林

秦之災是為不仁貪愛已物不以分災是為不祥背施幸災貪愛以怒鄰國是為不義

四德皆失

何以守國號射曰皮之不存毛將安傅

杜號射惠公舅也皮以喻所許

秦城毛以喻糴言既背秦施為怨已深雖與之糴猶無皮而施毛林毛依皮而生皮既不在則毛將安所附也蓋惠公入國之初許貽秦五城歸而背之。傳音附慶鄭曰棄信背鄰惠孰恤之

無信惠作失援必斃是則然矣

林棄許秦城之信背秦與晉糴之施如此所為

脫有患難孰復恤之無小大之信則禍惠必作失內外之援則必至滅亡此皆事理之必然矣號射曰

無損於怨而厚於寇不如勿與

杜言與秦要不足解怨適足使秦強慶鄭

曰背施幸災民所棄也近猶讐之况怨敵乎

林言以若所為雖近

事猶為讐敵况素有深怨之敵乎

弗聽退曰君其悔是哉

經子

十有五年春王正月公如齊

杜無傳諸侯五年再相朝禮也例在文十

五年○楚人伐徐

林楚至伐徐伯事可知也

○三月公會齊侯宋公陳

侯衛侯鄭伯許男曹伯盟于牡丘

杜牡丘地名闕林兵車之會三。牡茂后

反遂次于匡

杜匡衛地在陳留長垣縣西南

公孫教帥師及諸侯之大

夫救徐

杜公孫教慶父之子諸侯既盟次匡皆違大夫將兵救徐故不復具列國別也

○夏五

月日有食之○秋七月齊師曹師伐厲

杜厲楚與國義陽隨縣北有厲鄉

○八月螽

無傳為災。螽音終本亦作螻

○九月公至自會

杜無傳林桓公之會

不至至此始  
書桓德哀矣

○季姬歸于郕

無傳來寧不書此  
書者以明中絕

○巳卯

晦震夷伯之廟

杜夷伯魯大夫展氏之祖父夷諡伯字  
震者雷電擊之大夫既卒書字。晦音

誨

○冬宋人伐曹○楚人敗徐于婁林

杜婁林徐地  
下祁僮縣東南有

婁亭。婁

力侯反

○十有一月壬戌晉侯及秦伯戰于韓獲晉

侯

例得大夫曰獲晉侯背施無親慢諫違上故貶絕下  
從衆臣之例而不言以歸不書敗績晉師不大崩林

韓晉地秦始見經此晉秦兵端之始是故  
晉秦兵交始於韓而終於十三國之伐

傳十五年春楚人伐徐徐即諸夏故也

林徐自三年取  
舒以披楚黨威

公服楚徐與有功  
馬。夏戶雅反

三月盟于牡丘尋癸丘之盟且救徐

也

癸丑盟在九年

孟穆伯帥師及諸侯之師救徐諸侯次于匡

以待之

林穆伯即公孫故次于匡以待大夫之救齊之急荒可知矣

○夏五月日有

食之不書朔與日官失之也

林日官失日志慢也

○秋伐厲以救

徐也

林大夫救徐楚師不退故二師伐厲以救徐

○晉侯之入也秦穆姬屬

賈君焉

杜晉侯入在九年穆姬申生姊秦穆夫人賈君晉獻公次妃賈女也林託於惠公使善視之

屬音燭

且曰盡納羣公子

杜羣公子晉武獻之族宣二年傳曰驪姬之亂詎無畜羣公子

晉侯烝于賈君又不納羣公子是以穆姬怨之晉侯許

賂中大夫

中大夫國內執政里平等。烝之承反

既而皆背之

林既入國而殺里平

等事在十年

賂秦伯以河外列城五東盡虢畧南及華山內

及解梁城既而不與

林既入國而不與秦城見十年使平鄭謝緩賂杜河外河南也東盡

虢畧從河南而東盡虢界也解梁城今河東解縣也華山在弘農華陰縣西南。解音蟹

晉饑秦輸

之粟

在十年

秦饑晉閉之糴

在十年

故秦伯伐晉卜徒父筮

之吉

徒父秦之掌龜卜者卜人而用筮不能通三易之占故據其所見雜占而言之

涉河侯車

敗詰之

林言是卦主秦伯之軍涉河而晉侯車敗也秦伯不解其旨故詰問之。詰起吉反

對曰

乃大吉也三敗必獲晉君其卦遇蠱三三

巽下艮上蠱。蠱音古

曰千乘三去三去之餘獲其雄狐夫狐蠱必其君也

林曰

以下連三句皆卜筮之繇辭千乘諸侯也言千乘三度敗去晉師三敗之後獲其狐之雄者杜於周易利涉大川往有事也亦秦勝晉之卦也今此所言蓋卜筮書雜辭以狐蠱為君其義欲以喻晉惠公其象未聞。乘繩證反去起居反又起據

蠱之貞風也其悔山也

杜內卦為貞外

卦為悔巽為風泰象艮為山晉象

歲云秋矣我落其實而取其材所以

克也

杜周九月夏之七月孟秋也艮為山山有木今歲已秋風吹落山水之實則材為人所取

實落

材亡不敗何待三敗及韓

林晉侯車三壞秦師進至韓地

晉侯謂慶鄭

曰寇深矣若之何對曰君實深之可若何公曰不孫卜右

慶鄭吉弗使

林吉晉君棄信幸災所以召秦而深其寇不可如何也杜惡其不孫不以為車右此



夷吾之多忌  
○孫音遜

步揚御戎家僕徒為右

杜步揚御

乘小駟

鄭入也

杜鄭所獻馬名  
小駟。駟音四

慶鄭曰古者大事必乘其產生

其水土而知其人心安其教訓而服習其道唯所納之

無不如志今乘異產以從戎事及懼而變將與人易林

之大事在祀與戎其所乘馬必用其土地之所產水土  
既同則與人心素相諳委安其國人之教訓生長其地  
故於其道路素相服習唯所用之馳驅進退無不如其人  
之志今乘異國所產之馬以從兵戎戰鬪之事及臨戎  
畏懼而變其常度將與  
人易心而變化人意

亂氣狡憤陰血周作張脈僨興

外彊中乾

杜狡戾也僨動也氣狡憤於外則血脈必周  
身而作隨氣張動外雖有彊形而內實乾竭

。按古卯反憤扶粉反張中亮反服音麥憤方問反

進退不可周旋不能君必悔

之弗聽九月

林應歲云秋矣之占

晉侯逆秦師使韓簡視師杜韓

大夫韓萬之孫林往秦師觀強弱

復曰師少於我鬪士倍我

林言秦師少於晉士

有鬪志加倍於我

公曰何故對曰出因其資

杜謂奔梁求秦

入用其寵

杜為秦所納

饑食其粟三施而無報是以來也今又擊之我

急秦奮倍猶未也

林秦有三施而晉無一報是以秦人來討今不責已求和而又迎擊秦師

我師不直其君故解怠秦師怒晉無禮故奮發以此觀之秦之鬪志倍猶未止。施武氏反

公曰一

夫不可狃况國乎

杜狃狃也言辟秦則使狃來林言匹夫尚不可狃狃况晉與秦為敵國其

可以師狃我乎  
。狃女九反

遂使請戰曰寡人不佞能合其衆而不

能離也君若不還無所逃命

林無所逃辟秦師戰鬪之命

秦伯使公

孫枝對曰君之未入寡人懼之入而未定列猶吾憂也

杜列位也

荀列定矣敢不承命

林荀位定而能合其衆矣敢不承順晉君請戰之命

韓

簡退曰吾幸而得囚

杜得囚為幸言必敗

壬戌戰于韓原

杜九月十三日

晉戎馬還渾而止

杜渾泥也還便旋也小駟不調故墮泥中。渾乃定反

公號慶

鄭慶鄭曰愎諫違卜固敗是求又何逃焉遂去之

林意公急

而呼慶鄭救已愎戾也謂達慶鄭之諫而乘小駟卜右慶鄭吉而弗使是自求敗又何所逃避其禍遂去而弗

顧。號戶刀反。又戶報反。

梁由靡御韓簡號射為右輅。秦伯將止之。

杜輅迎也。止獲也。林將獲秦伯。輅五嫁反。

鄭以救公誤之。

林虔鄭不知其將獲秦伯呼使。

救惠公遂誤其師。

遂失秦伯秦獲晉侯以歸。

杜經書十一月壬戌十四日經從赴。

晉大夫反首拔舍從之。

反首亂頭髮反。下垂也。拔草舍止壞形毀服。林以示憂感而從。

秦師。拔蕭未反。

秦伯使辭焉曰。二三子何其感也。寡人之從。

君而西也。亦晉之妖夢是踐。豈敢以至。

杜狐突不寐而與神言故謂之。

妖夢申生言帝許罰有罪。今將晉君而西。以厭息此語。踐厭也。林豈敢至於已甚。

晉大夫三拜。

稽首曰。君履后土而戴皇天。皇天后土實聞君之言。羣。

臣敢在下風穆姬聞晉侯將至

林言穆公足履首戴於天地之間天神地祇實

聞君豈敢以至之言穆公云豈敢以至是已有歸晉君之意故羣臣敢在秦之下風順下風而請也穆姬即秦

穆夫人聞秦執惠公將至史記秦將以惠公祀上帝以大子瑩弘與女簡璧登臺

而履薪焉

杜瑩康公名弘其母弟也簡璧瑩弘姊妹古之宮閑者皆居之臺以抗絕之穆姬欲自罪

故登臺而薦之以薪左右上下者皆履柴乃得通林愚按穆姬為惠公告罪登臺履薪宜也而帥子女以同登

臺蓋暗用刳制之術。藏於耕

反履如字徐本作履九具反

使以免服哀經逆且告

杜免哀經遭喪之服令行人服此服迎秦伯且告將以耻辱自殺。免音問又作繞音同哀七雷反經大結反

曰上天降災使我兩君匪以玉帛相見而以興戎若晉

君朝以入則婢子夕以死夕以入則朝以死唯君裁之

乃舍諸靈臺

在京兆鄠縣周之故臺亦所以抗絕令不得通外內。曰上天降災此下四十七字

揄古本皆無晁杜注亦不得有有是後人加也

大夫請以入

林秦大夫請執晉侯以入國

公

曰獲晉侯以厚歸也既而喪歸焉用之

林言我之執獲晉侯以歸以示

厚獲俘囚夫人或自殺是以喪歸將安所用之。焉於虔反

大夫其何有焉

杜何有猶何得

且晉人感憂以重我

杜謂反首援舍

天地以要我不圖晉憂重

其怒也我食吾言背天地也

林我若不圖謀晉國之憂是重晉人之怒我自消食

我豈敢以至之言是我自背天地杜食消也。要於遙反重直用反下同

重怒難任背天不

祥必歸晉君

杜任當也任音壬

公子繁曰不如殺之無聚慝焉

杜公子繁秦大夫恐夷吾歸復相聚為惡。繁張執反又丁立反慝他得反

子桑曰歸之而

質其大子必得大成

此林歸惠公而質其大子以為信如

大成和好於晉。質音致

晉未可滅而殺其君祇以成惡

杜祇適也祇音支

且史佚有言曰無始禍

杜史佚周武王時大史名佚。佚音逸

無怙亂

杜恃

人亂為已利怙音戶

無重怒重怒難任陵人不祥

林恃勢陵人與背天等天

人一乃許晉平晉侯使卻乞告瑕呂飴甥且名之

杜卻乞晉

大夫也瑕呂飴甥即呂甥也蓋姓瑕呂名飴甥字子金晉侯聞秦將許之平故告呂甥召使迎已。飴音怡

子金教之言曰朝國人而以君命賞

杜恐國人不從故先賞之於朝且

告之曰狐雖歸辱社稷矣其卜貳圉也

杜貳代也圉惠公大子懷公

衆皆哭

杜哀君不還國

晉於是乎作爰田

杜分公田之稅應入公者爰之於所賞之

衆林爰易也爰于元反

呂甥曰君亡之不恤而羣臣是憂惠之至

也將若君何

林言惠公處喪亡在外而不自憂恤而賞羣臣憂其匱乏思惠至厚也國人將何

以圖吾君

衆曰何為而可對曰征繕以輔孺子

杜征賦也繕治也孺子大

子圉。孺如喻反

諸侯聞之喪君有君羣臣輯睦甲兵益多好

我者勸惡我者懼庶有益乎

林諸侯聞我征繕之事雖喪惠公復有子圉人心和



親國勢強盛使諸侯與我為好者有所勸勉與我相惡者有所畏懼庶有利益於我國家。喪息良反輯音集

又士八反好呼報反惡烏路反衆說晉於是乎作州兵五黨為州州二千五百家也因

此又使州長各繕甲兵。說音悅初晉獻公筮嫁伯姬於秦遇歸妹三

三兌下震上歸妹之睽三三兌下離上睽歸妹上六爻變史蘇

占之曰不吉杜史蘇晉卜筮之史其繇曰士刲羊亦無盭也女承

筐亦無貺也林震為長男故稱士兌為羊刲羊者士之職刲割剝也盭血也上六與六三正應而

兩陰相值無復相應故始刲羊無血不足以供祭祀也離為中女故稱女離為大腹故稱筐承筐者女之職承

奉筐篚也離中虛故為虛筐上九居卦之極上無所承亦虛篚之象無貺賜也歸妹上六爻辭止言女承筐無

實士到羊無血此蓋占繇之辭。繇直救反到  
苦圭反孟音荒筐曲方反覲音况本亦作况  
西鄰責

言不可償也

林兌西方也兌為口舌以兌從震是口舌  
雷動杜將嫁女於西而遇不吉之卦故知

有責讓之言不可報償。責側  
介反又如字償市亮反又音常歸妹之睽猶无相也  
杜

妹女嫁之卦睽乖離之象故  
曰無相相助也。相息亮反震之離亦離之震  
林震為

電故二卦變  
而氣相通為雷為火為羸敗姬  
杜羸秦姓姬晉姓震

而害其母女嫁反害其家之  
象故曰為羸敗姬。羸音盈車說其輶火焚其旗不利

行師敗于宗丘

杜輶車下縛也丘猶邑也震為車離為  
火土六爻在震則無應故車脫輶在離

則失位故火焚旗言皆失車火之用也車敗旗焚故不  
利行師火還害母故敗不出國近在宗邑。說吐活反

輓音福又音服案車旁著音福老子所云三  
十幅共一轂是也車旁著音服是車下伏菟歸妹睽

孤寇張之弧

杜此睽上九爻辭也處睽之極故曰睽孤  
失位孤絕故遇寇難而有弓矢之警皆不

吉之

姪其從姑

杜震為木離為火火從木生離為震妹  
於火為姑謂我姪者我謂之姑謂子園

質秦。姪待結  
反字林文一反

六年其逋逃歸其國而棄其家

杜逋亡  
也家謂

子園婦懷羸  
。逋補吾反

明年其死於高梁之虛

杜惠公死之明年  
文公入穀懷公于

高梁高梁晉地在平陽楊氏縣西南凡筮者用周易則  
其象可推非此而往則臨時占者或取於象或取於氣  
或取於時日王相以成其占若盡附會以爻象則構  
虛而不經故畧言其歸趣他皆放此。虛去魚反及

惠公在秦曰先君若從史蘇之占吾不及此夫韓簡侍

曰龜象也筮數也物生而後有象象而後有滋滋而後

有數先君之敗德及可數乎史蘇是占勿從何益

林龜以象

示凡方功又弓之兆皆象也筮以數告凡奇耦老少之數皆數也天地絪縕萬物化醇故生而後有形象可言

男女構精萬物化生故象而後滋生益衆一生二二生三三生萬物故滋而後有數先君所行當致喪敗之德及今言之可一二數之乎占所以知吉凶不能變吉凶故先君敗德當主喪敗非由筮數所生從史蘇不能損禍勿從不能益禍。夫音扶先君之敗德及絕句可數乎一讀及可數乎數色主反詩曰下民之

孽匪降自天傳沓背憎職競由人

杜詩小雅言民之有邪惡非天所降傳沓

面語背相憎疾皆人競所主作因以諷諫惠公有以召此禍也。孽魚則反傳尊本反沓徒合反

○震

夷伯之廟罪之也於是展氏有隱慝焉

杜隱惡非法所得尊貴罪所不

加是以聖人因天地之變自然之妖以感動之知達之主則識先聖之情以自厲中下之主亦信妖祥以不妄

神道助教唯此為深

○冬宋人伐曹討舊怨也

莊十四年曹與諸侯伐宋

○楚

敗徐于婁林徐恃救也

杜恃齊救林以諸侯罷兵故卒為楚所敗

○十月晉

陰飴甥會秦伯盟于王城

杜陰飴甥即呂甥也食采於陰故曰陰飴甥王城秦地焉

朔臨晉縣東有王城今名武卿林盟以求成也

秦伯曰晉國和乎對曰不和小

人恥失其君而悼喪其親

杜痛其親為秦所殺

不憚征繕以立國

也

林不以賦車馬治兵甲為難以立大子圉為君。憚徒旦反

曰必報讐寧事戎狄

林寧可事戎狄以為  
君言欲致死於秦

君子愛其君而知其罪不憚征繕

以待秦命

林以待秦歸  
惠公之命

曰必報德有死無二以此不和

林以君子小人所見  
各有不同故不和

秦伯曰國謂君何對曰小人感謂

之不免君子恕以為必歸

林小人憂感哀懷謂惠公必  
不免禍君子持心公恕謂惠

公必得  
反國

小人曰我毒秦秦豈歸君

林毒謂三  
施不報

君子曰我

知罪矣秦必歸君貳而執之服而舍之德莫厚焉刑莫

威焉服者懷德貳者畏刑此一役也

杜言還惠公使諸  
侯威服復可當一

事之功。舍  
如字又音捨

秦可以霸納而不定廢而不立以德為怨

秦不其然

林言秦既納惠公復執之而不安定其位既執惠公遠廢之而不立之為晉君以納晉侯

之德而為廢晉侯之怨秦穆公之志必不肯如此

秦伯曰是吾心也改館晉侯

饋七牢焉

林秦伯喜其言而答曰此言是知我之心也始更晉侯之館舍加以禮貌杜牛羊豕各一

為一牢。

蛾析謂慶鄭曰盍行乎

蛾析晉大夫也。蛾魚綺反或作蛾一音

五何反析本或作暫星歷反盍戶臘反

對曰陷君於敗杜謂呼不往誤敗

而不死又使失刑非人臣也

林晉師敗而不能死戰君歸而出奔又使不得正誤

師之刑非為人臣之道也

臣而不臣行將焉入

林言不為他人所容。馬於慶反

一月晉侯歸丁丑殺慶鄭而後入

林以見其忌刻終不化也杜丁丑月二十

九日是歲晉又饑秦伯又餽之粟

杜餽猶饋也以粟餽晉言非糴也。餽許計反

曰吾怨其君而矜其民且吾聞唐叔之封也箕子曰其

後必大晉其庸可冀乎

杜唐叔晉始封之君武王之子箕子殷王帝乙之子紂之庶兄

林言晉國未可取也

姑樹德馬以待能者於是秦始征晉河東置

官司焉

杜征賦也林秦置官司以征河東之賦此即惠公許賂秦以河外列城五之地至是始歸之秦也

左傳杜林合注卷十